



文苑
蒲藪
六

教命文
竹
母文

~20
2457
7

文苑蒲藪六



23327

門 20
號 2457
卷 7



文苑黼黻卷之十三目錄



教命文一 傳禪

定宗大王受禪教命文

太宗大王受禪教命文

世祖大王受禪教命文

教命文二 坤殿冊封

定順王后封王妃教命文

貞熹王后封王妃教命文

恭惠王后封王妃教命文

廢妃尹氏教命文

文苑黼黻卷之十三目錄

貞顯王后封王妃教命文
文定王后封王妃教命文
仁穆王后封王妃教命文
仁烈王后封王妃教命文
莊烈王后封王妃教命文
仁宣王后封王妃教命文
明聖王后封王妃教命文
仁敬王后封王妃教命文
仁顯王后封王妃教命文
仁顯王后復位教命文

仁元王后封王妃教命文
端懿王后追封王妃教命文
宣懿王后封王妃教命文
貞聖王后封王妃教命文
王大妃殿封王妃教命文
中宮殿封王妃教命文
教命文三 儲闈冊封
定宗大王封王世子教命文
太宗大王封王世子教命文
端宗大王封王世孫教命文

德宗大王封王世子教命文

睿宗大王封王世子教命文

燕山封世子教命文

仁宗大王封王世子教命文

廢世子徑冊封教命文

昭顯世子冊封教命文

孝宗大王封王世子教命文

顯宗大王封王世孫教命文

顯宗大王封王世子教命文

肅宗大王封王世子教命文

景宗大王封王世子教命文

英宗大王封王世弟教命文

真宗大王封王世子教命文

莊獻世子冊封教命文

懿昭世孫冊封教命文

當寧封王世孫教命文

文孝世子冊封教命文

教命文四 世子壇冊封

昭惠王后封王世子嬪教命文

仁宣王后封王世子嬪教命文

明聖王后封王世子嬪教命文

仁敬王后封王世子嬪教命文

端懿王后封王世子嬪教命文

宣懿王后封王世子嬪教命文

貞聖王后封王世弟嬪教命文

孝純王后封王世子嬪教命文

惠慶宮封王世子嬪教命文

中宮殿封王世孫嬪教命文

教命文五

備闡冠禮

顯宗大王冠禮教命文

肅宗大王冠禮教命文

景宗大王冠禮教命文

真宗大王冠禮教命文

莊獻世子冠禮教命文

當宁冠禮教命文

Blank writing area with vertical lines.

文苑補遺卷之十三

教命文一 傳禪

定宗大王受禪教命文 太祖戊寅

予以否德承祖宗之蔭奉天子之靈肇造邦家撫有
臣庶于今七年乃緣久於軍旅蒙犯霜露迨今年衰
疾作難於宵旰庶務叢劇恐多遺失惟爾王世子諱
身居嫡長夙著仁孝且當開國之初贊襄弘多一國
臣民咸共知之肆於洪武三十二年九月初五日告
于宗廟乃命以位爾其率由典章親君子遠小人視
聽無一己之偏好惡公國人之論無敢或荒無敢或

怠永綏厥位以昌後嗣於戲爾父薄德雖不足效先
聖之道布在方冊夙興夜寐爾尚敬哉

太宗大王受禪教命文

太宗庚辰

恭惟祖宗仁厚積德以集景命逮我啓運神武太上
王之肇興也王世子諱明炳幾先灼知天命首倡大
義以建洪業則我朝鮮之開國爾功寔多故當初建
儲之議物望咸歸於爾不期權姦貪立幼孽將傾社
稷天誘其衷建策戡定以安宗社則我朝鮮之再造
亦惟爾功是賴國於爾時已為其有乃執冲謙申啓
太上謂予不穀居嫡之長俾命以位予辭不獲罷勉

即政于茲三年天意未允人心未孚旱蝗為災妖孽
游至是皆寡昧非德之致慄慄危懼俯仰有忤矧予
素纏風疾矐於萬幾勞神應務恐致彌留思釋重負
以付有德庶可以上答天心下慰輿意咨爾王世子
稟劉明之德挺勇智之資仁義秉於生知孝悌本乎
至情學問精於義理英謀合於變通固睿哲之離倫
乃謙恭之彌謹早以濟世安民之量克成撥亂反正
之功謳歌之所歸宗社之所賴惟賢惟德宜承大統
予遜王位俾傳於爾予將退就私邸優游怡養以保
期頤於戲天人之情必附於有德宗社之統當傳於

至親故世及以相承實古今之道義爾其益虔于德
夙夜祇懼敬天勤民俾萬世無斁

參贊門下府事權近製

世祖大王受禪教命文

端宗乙亥

予小子遭家不造幼冲嗣服深居宮掖之中內外庶
務蒙未有知致凶造煽亂國家多故叔父首陽大君
諱奮發忠義左右我躬克清群凶弘濟艱難然凶徒
未殄變故相仍屬茲大亂非予寡躬所能鎮定宗廟
社稷之責實在我叔父叔父先王介弟以德以望有
大勲勞於國家天命人心之所歸也茲釋重負以付
畀我叔父嗚呼宗親文武百官大小臣僚其匡輔我

叔父以對揚祖宗之休命

副提學全禮蒙製

教命文二

坤殿冊封

定順王后封王妃教命文

端宗甲戌

自古帝王之為天下國家也必先立配所以基百福
之原也咨爾宋氏生於茂族有澍德令姿宜主宮闈
恭承宗廟茲涓吉備儀冊封為王妃其祇服恩命用
敬內治以丕衍無窮之基

貞熹王后封王妃教命文

世祖乙亥

乾坤合德聖人則之爰立厥妃以資陰教咨爾尹氏
名門澍德結髮為耦餘二十年于茲主饋冝家罔或

有愆今予叨為一國臣民之主爾既儷體名位不可不正肆冊命為王妃庶幾無忘前日終始一德用刑于家邦敬之哉

恭惠王后封王妃教命文

成宗辛卯

自古有國家者必資內助之賢以成治化之隆咨爾韓氏家傳積德系出元勳予在潛邸我世祖大王選以為配克備婦道率禮無愆今予續承丕緒乃作臣民之主儷體居尊宜正位號肆冊為王妃於戲惟恭儉可以治內惟慈仁可以化下服茲寵命永孚于休

廢妃尹氏教命文

成宗丙申

古昔哲王之理國家必先內治所以正其本也粵予冲眇續承大統永惟負荷之重必資內佐之賢壺位中缺越有歲年茲奉大王大妃懿旨宮闈不可以無主宜簡賢淑以總內政咨爾尹氏早膺德選久處宮掖貞信勤儉謙恭自持三宮所眷重爰舉彝章冊為王妃嗚呼天地定位萬物以生君后合德萬化攸基宜服寵命始終一德敬之哉

貞顯王后封王妃教命文

成宗庚子

自古帝王必擇建賢妃所以承宗廟而御家邦也粵予眇末嗣守丕基庶賴我內治之助屬茲多故中闈

再缺念惟坤位不可久曠咨爾尹氏名門澍德早充
宮庭夙有顯聞茲承懿旨冊為王妃於戲乾坤合德
聖人則之爰立厥配以正位踰服茲寵命勗之哉
文定王后封王妃教命文 中宗丁丑

乾為資始坤乃資生乾健而無息坤順而不貳故惟
全德寔成群品念惟人道肇經夫婦大婚既至百福
所原而共事宗廟以承天統物厥刑惟在於正家好
逮允屬乎賢德咨爾尹氏族姓有勲賢之望女德宜
山河之選上稟慈旨下察人情乃庸冊為王妃於戲
王妃其祗勗厥德虔恭爾位念昔東漢明德馬后奉

承陰后禮則修備撫育肅宗恩逾已出茲惟肅宗孝
誠純篤母子慈愛終始不渝嗚呼如后儀則百代所
仰今上有慈殿下有元子外有姻婭惟與王妃各盡
乃道庶幾無悔茲率舊典兼稱盛禮斟酌古今之情
文用垂正妃之根基

仁穆王后封王妃教命文

宣祖壬寅

人道之大造端夫婦王教之行寔資內助故禮之用
惟婚為競予惟是念不敢遽舉中壺久虛雖亦有待
詢衆採賢實難茲命咨爾金氏柔嘉種德淳粹稟質
含章在中澍聞已彰閱擇無加法相有屬既遴良媿

宜秩徽章乃庸冊封為王妃大典告成百福攸原是
宜述宣陰化修成坤範共事宗廟繫御家邦宮闈肅
雍詖訐不行言無出閫恩絕私援爰撫元子克單歡
心禮遇媵媻躬先勤儉以延壽祚以昌洪休其敬之
哉於戲順承天施俾群品而咸亨穆垂母儀致九族
之交睦庶幾夙夜毋忝訓辭

大提學李好閔製

仁烈王后封王妃教命文

仁祖癸亥

乾坤合德順成四時日月並明照臨八表肆造端於
夫婦寔基化於家邦屬茲景命維新舉此顯冊之典
咨爾韓氏幽閒貞靜溫惠涵弘弈世名門簡在先后

積善餘慶誕生多男自予居邸之初至于踐阼之際
宣昭義問密贊補天之功輔佐寡躬久著載物之功績
宜推崇其位踰庸表式於宮闈於戲奉慈顏以怡愉
相嚴裡以祇栗寬仁逮下克敦和睦之風恭儉持身
俾延靈長之福益修壺政勉嗣徽音

大提學金瑩製

莊烈王后封王妃教命文

仁祖戊寅

天垂四星寔著后妃之象地載萬物可見陰化之功
故正始乃義之先惟造端於禮為重歷觀治世咸務
風教之基厥有亂臣亦賴婦人之佑念予寡昧值此
多艱諫言不聞恒入宮而永歎社稷之福幸守祧之

之稱未遑寤寐之求只切宵旰之慮顧大臣之申請
曷敢有違得小君而相成蓋將望助卜云其吉文定
厥祥咨爾趙氏善慶令門詩禮嘉訓虞嬪淑德合觀
媯納之刑周妣好逑無愧河洲之詠既遴華闕爰舉
徽章乃庸冊封為王妃百福之源六禮斯備方當嘉
月之至重建母儀之尊是宜體坤之柔承乾以順共
承宗廟克盡采蘋之誠以御家邦遂推樛木之惠紫
宸增肅彤管添輝於戲能儉能勤必敬必戒自元良
以下若已有之使宮庭之間無敢議者

大提學李景奭製

仁宣王后封王妃教命文

孝宗辛卯

予惟君子之修身造端乎夫婦王者之善俗基化於
宮闈是知誠正之功由微而達顯導率之教自家而
及邦肆稽彛章爰加顯冊咨爾張氏柔懿範淑哲
令猷思得好逑受寧考之睿簡夙奉明訓嗣聖母之
徽音周旋既共於險艱儆戒益勤於崇貴祗承經祀
克殫蘩藻之誠誕育元良更增七鬯之重念茲緝禮
之舉蓋待殷制之終三載餘哀豈無感於繼序兩儀
配極本有資於生成茲涓吉備儀冊封為王妃於戲
天命難諶莫安其位人道所始宜觀厥刑惟敬畏可
以存心惟禮法可以率物有闡雖鐘鼓之樂所貴不

失性情追慕覃儉勤之風方致永綏福履尚體至意

茂迓洪休 大提學趙錫胤製

明聖王后封王妃教命文 顯宗辛丑

化闡家邦已播闡雖之詠位正宮壺聿備罩翟之儀
古有彛章今加顯冊今惟國風之正始實由人道之
造端坤元體乾覆載之功斯著月行儷日照臨之光
乃昭所以帝王之治亦資后妃之德咨爾金氏篤生
忠孝之名闕早相寡昧於儲闈澍慎柔嘉下宣九御
之教晨昏溫清上諧三殿之歡處崇高而克先儉恭
率禮法而恒存儆戒觀刑媯汭繫賴裨益之多主鬯

宗祧惟懷繼承之重屬當殷制之畢勉循舊典之常
舍恤三年縱餘哀之未盡作則萬姓詎縉禮之或稽
茲消吉備儀冊封為王妃於戲厥位孔艱惟命不易
秉德以順肅雖之令範彌彰配極而尊輔贊之陰教
可見夙夜毋怠體一人敬畏之心内外交修綿百世
靈長之福 大提學李一相製

仁敬王后封王妃教命文 肅宗丙辰

乾道不息自有下濟之光坤德無疆爰進中壺之位
彛章雖舊冊命維新念惟御邦之要必須自家為則
滄山翼夏肇洪基於玄圭京室興周綿歷祚於蒼籙

文苑補註 卷十三
莫但造端之懿範抑亦正本之洪規咨爾金氏篤生
名門夙膺睿簡幽閒成性咸謂儂美於國風肅謙存
心予亦起敬於平日惟其為萬化之始是以諧三殿
之懽不幸丁憂痛莫及於追遠屬茲終制禮宜隆於
配尊式稽古今之盛儀庸遵祖宗之常憲茲涓吉備
儀冊封為王妃彤管揚輝頌已騰於重闈寶篆增徽
慶則衍於百世於戲恭儉惟富貴之守戒懼實福祿
之經奉蘋藻於精禋克盡誠孝問寢膳於長樂罔懈
晨昏益勉欽修頌體至意
藝文提學
姜相年製
仁顯王后封王妃教命文
肅宗辛酉

予聞古昔聖王之所敬慎重正者昏禮也而笄之家
人以正位為先家道正而天下定矣肆予寡昧繼體
受重嗣有不緒以奉我先王宗廟則日凜凜乎艱虞
之會曷敢懷宮室之安耽鐘鼓之樂而主器未建陰
教方闕基圖所係藐焉靡安茲奉太母之徽教兼採
輔臣之僉議謂宗祧必有所承謂風化必有所本而
人倫之始不可緩也爰即明揚懿闕簡在慈闈申以
采擇重以吉筮俾以正壺位焉咨爾閔氏詩禮名門
善祥弈世幽閒貞靜藹有嘉聲徽恭婉嫺雅著柔則
誠有是以副寤寐之求膺禕翟之尊者茲涓吉備儀

冊爾為王妃於戲惟孝敬可以奉宮闈之歡惟恭儉
可以將福履之盛惟齋明夙夜率禮不愆庶幾有儆
戒相成之助則其所以體羲易之正家勉戴記之敬
親者固在斯矣其所以思齊任姒媲美姬周以閔睢
之化而致麟趾螽斯之應者亦在斯矣嗚呼其敬之

哉

清城府院君
金錫胄製

仁顯王后復位教命文

肅宗甲戌

乾坤正而化乃行寔重風教之本日月更而人皆仰
宜復位踊之崇既景命之重新肆典冊之申舉咨爾
王妃閔氏端莊率禮貞靜含章盡怡愉於晨昏克順

兩宮之志虔繫藻於夙夜與更三年之喪永巷之箴
既勤樛木之仁斯著豈由寡躬之失德致令良佐而
受疑六載退居見懿度之靡玷群情積鬱識陰化之
所孚事有歎於彝常念豈忘於寤寐允賴宗祧之垂
佑終幸德音之無違式正大倫固帝王之攸慎深陳
往悔俾臣庶而咸知周宮瑟琴復尋閔睢之樂漢殿
綸翟再光長秋之儀民紀以之可敦邦禮於是為大
茲消吉備儀授以金寶玉冊於戲人情困衡式為增
益之基天運循環可驗否泰之理惟謙挹以居位惟
儉約以飭躬惟內外相成治道乃闡惟終始克敬福

履是將期無替於徽猷庶永繇乎洪祚
刑曹參判 李會製

仁元王后封王妃教命文
肅宗壬午

王化之原寔資於內治宗事之重須待於共承故乾道未能獨成而壺政不可暫曠所以謹人倫之始非敢懷宮室之安爰率彝章式舉緝典咨爾金氏家推喬木符著曾沙幽閒貞靜之儀生稟令質婉嫕惠溫之行夙彰徽音屬缺位於中闈宜選德於右族既協黃裳之吉合膺翟禴之尊恭以龜筮而協從謀及卿士而咸允一正家而天下定矣斯聖王之所先十亂臣而婦人與焉庶良佐之是賴茲消吉備儀冊爾為

王妃爾宜勉修陰教輔宣外和奉經紀則畫夙夜之虔慈元良則致顧復之愛如周詩之詠葛藟逮下以恩如齊寢之報鷄鳴警予毋怠於戲惟恭儉可以守貴富惟憂勞可以保安康象服斯煌期永綏於多福寶命不易可無勗於終譽
左參贊 李會製

端懿王后追封王妃教命文
景宗壬寅

陰功未宣悼芳徽之永闕顯冊有舉嘉緝儀之肇成情文聿追於造端典禮庸表於婉極咨爾沈氏生華闕而瑞應夙著受睿簡而玉度彌貞愉色婉容事兩宮而畫敬令猷懿範助貳宸而殫誠德則叶於青闈

謠忽起於素奈稱詩納順至教未闡於絃絃率禮蹈
和柔儀已斷於珩珮皇天降割既苴杖之未同歲月
如流今慨廓而靡逮茲當外除之餘痛益懷內治之
遺徽澍行難忘每想鶴禁之保護美疾不愈終虧燕
禕之休祥雖聲容之莫追尚有型範寔風化之攸係
合崇壹儀茲遣臣某官某持節備冊禮追封爾為端
懿王后道合乾元考彝章而無缺禮崇坤則陳物采
而增悲垂芳訓於無窮彤管有煒受嘉命而如在寶
牒揚輝於戲燦乎輦翟之載新宛爾瑟琴之如舊思
伊昔謙慎之意處崇高而靡安念平素輔佐之忱贊

修齊而毋倦

李暉尚製

宣懿王后封王妃教命文

景宗壬寅

密闡陰功克彰家邦之化昭升壹極聿備禴翟之儀
寔攸彝章肅宣顯冊念惟國風之正始亶由人道之
造端媯納嬪虞協重華之濬哲塗山配夏翊文命之
平成亮前烈之足徵咸內治之繫賴咨爾魚氏令姿
婉嫕懿範幽閒當寧考寢疾之時侍湯靡懈相寡躬
在儲之歲主饋罔愆蓋入宮者五年而秉德如一日
屬罹終天之痛奄闕中月之期履序疚心縱餘哀之
未盡晉尊齊體詎常典之或稽茲消吉備儀冊封為

王妃彤管揚輝揭芳徽於寶牒黃裳協吉衍景祉於
瑤圖於戲惟儉約可以處高崇惟謙恭可以為表式
詠采蘋於南國致禮蒸嘗揚佩菲於東朝承歡晨夕
庶竭乎惟誠與孝永期於既洽且湛

吏曹判書
李肇製

貞聖王后封王妃教命文

英宗丙午

予惟古昔聖王之御邦必先建立后妃以輔宣治理
若羲易之王儆有家周詩之首詠閔睢其義尚矣於
以造端正位承奉宗事是固人倫攸始風化攸基顧
不重且大歟念予眇末幸得良媿咨爾徐氏鍾羨名
門夙著柔則肆我寧考親加簡掄俾儷尊於介藩洎

夫升華儲闈彌自抑畏罔不克飭謹惟茲寶冊之頒
蓋待殷制之畢餘哀切切固不勝繼序之感而舊章
斯在亦不容其久稽茲消吉備儀冊封為王妃於戲
其敬之哉罔懈厥德罔墮厥度惟恭惟儉用允迪于
彝訓修我絜祀闡我內教殫誠禮於東朝盡撫育乎
冲子以大彰懿聞永迓靈長之福豈不休哉欽予時
命勿替徽音

左恭贊李
宜顯製

王大妃殿封王妃教命文

英宗己卯

予惟正家乃王道之原天下從而定矣大昏乃人倫
之始聖君所以重焉蓋風教實係於造端故政化必

資於治內顧茲壺闈之虛位久致盟饋之無人遺篚
 攀禴翟之箴認慈旨之有在經席感閔睢之義切予
 心之興思咨爾金氏夙著嘉譽雅膺柔則塗莘毓慶
 可驗德容天成矜珮襲徽所貴家範儒素龜筮之吉
 既協卿士之謀亦從是宜賁以令章晉之崇踰茲消
 吉備禮冊命為王妃祇受寵命忱念訓辭荏率普則
 月行有儷日之明囿品彙則坤厚有承乾之德贊昭
 事於七廟禴紀禮虔采蘋致和氣於六宮嬪嬙恩覃
 樛木於戲惟謙冲為福履之亨惟敬畏為康樂之資
 濯龍漢門導儉約自持之化鳴鶴齊寢勉儆戒相成

之休期勿替於令猷庶永繇於洪祚

金陽澤製官
戶曹參判

中宮殿封王妃教命文

當宁戊戌

予以眇躬荷皇祖陟降之靈嗣守遺緒遭家不造凜
 凜憂懼夙夜靡寧永惟自古有國者踐阼之初莫不
 建妃所以續宗廟之事而正九御之教也咨爾金氏
 出自華閭倣聞懿訓惟文貞之餘慶蓋未艾焉而明
 聖之徽音猶有存者聿膺嘉祉遂稱彝儀配予承華
 既奉歡於兩殿迨茲諒闇與銜恤於三年茲消吉備
 儀冊爾為王妃祇服訓辭勿替德聞贊視膳之禮澍
 慎固違協載物之休莊敬匪懈於戲含章有慶受祐

無疆底幾終譽以答寵命 左參贊黃景源製

教命文三 備開冊封

定宗大王封王世子教命文 太祖戊寅

立嫡以長萬世之經宗子維城寡人之望惟爾父身嘗開國捨長立幼乃以芳碩為世子不獨予昵愛不明之過道傳罔等不得辭其責矣當其時若以楚國愛少之誠據經廷諍予敢不從知道傳革不惟不諍猶恐其不立日者道傳罔孝生至和等潛圖不執搖亂根本幸賴天地宗社之佑罪人伏誅王室再安芳碩禍胎不可留置國都放諸東裔予既悔前日之過

又因百僚之請庸建翁為王世子於戲克明其德無忝爾所生往盡乃心鎮撫我社稷

太宗大王封王世子教命文 定宗庚辰

建儲貳所以正國本崇位踰所以正人心茲遵典章庸舉冊禮惟爾靖安公鞫資全文武德備英明當太上開國之初克倡大義及寡兄定社之日特立膺功矧謳歌之有歸宜撫監之是任用命爾為王世子於戲知人不易為子亦難以親以賢既處承祧之位惟忠惟孝用裨為政之方

端宗大王封王世孫教命文 世宗戊辰

於戲予承丕緒思祖宗付托之重夙夜寅畏粵稽古
昔帝王國本既端又世其胤所以重宗統繫人心也
惟爾元孫諱天資岐嶷稟性英明乃今年可就師爰
命爾為王世孫爾其親近正人緝熙于學惟新厥德
以享永世之休敬哉

德宗大王封王世子教命文 世祖乙亥

自昔聖王咸建儲貳蓋將托神器奉宗祧也是以易
垂重離之象禮著元良之德咨爾元子諱身為嫡嗣
合居春宮肆命爾為王世子爾其力學不怠勉行三
善庶幾撫軍監國永固丕基可不慎哉

睿宗大王封王世子教命文 世祖丁丑
予念宗社宜建國本肆命爾諱為王世子爾尚仁孝
無負付托

燕山封世子教命文 成宗癸卯

貳極并儲必歸於冢嗣承祧守器允屬於元良宜舉
典章以正位躡肆冊命爾惟為王世子爾其尊德樂
道親賢遠奸非禮義則勿行惟忠信焉是務以固宗
社之本以協中外之心豈不躋歟

仁宗大王封王世子教命文 中宗庚辰

貳極建儲實為大本承祧主器宜屬元良今冊爾諱

為王世子爾其樂道尊師親賢遠佞克服三善之訓
以延一國之休禮曹參議成世昌製

廢世子祔冊封教命文

惟仁且孝聿繫人心以長而賢斯為國本爰正儲
副之踰庸告小大之民若稽元子之生蓋在戊戌
之歲恭惟我先父王既受賀而稱慶又講學之置
官念慈愛之深出於天性肆付托之重貽厥孫謀
痛予遽承憑几之音咨爾何辭承祧之責茲告殯
殿以爾為王世子顧惟豫養而毓德莫如早建而
定名惟爾主器之良屬茲延頸之望宜居明兩之

位庶法日三之朝於殿左右前後皆正人非禮勿

動春夏秋冬崇四術厥修乃來慰先王在天之靈

嗣列聖無疆之業維其美矣可不慎歟大提學柳根製

昭顯世子冊封教命文仁祖癸亥

宗儲主鬯所以順天經貳極定名所以固國本須位
序之早建宜典冊之亟崇咨爾元子睿秀挺珪璋生
資岐嶷天成粹美孝友彰於因心日就溫文聰哲由
於自得英譽久屬於上嗣仁聞允叶於元良邦命維
新予既續承大業人心所係汝其光踐少陽茲惟建
置之通規在艱危而尤重是實宗社之至計非父子

之敢私爾其念列聖積累之基思今日付托之重惟
主敬以制事惟克儉而飭躬恒惇德而象賢無啓囂
而納侮終始典學毋替訓辭夙夜存誠必遵禮範於
戲禹暉震長玉闡繇祚之休海潤星輝益衍承華之

慶大提學李
廷龜製

孝宗大王封王世子教命文 仁祖乙亥

未堪多難予敢私於立儲惟懷永圖心實公於擇長
社稷之福神人有依咨爾鳳林大君御性本聰明器
亦弘大自居宮闈之內仁孝夙彰及處險阻之中智
慮彌遠蓋嘗有資於方策能自播譽於邇遐當今日

之孔艱宜大計之早定群情可見詢謀僉同民望攸
歸彛章斯舉國本重建予憂少紓茲冊俞為王世子
於戲惟賢是親惟學是懋動遵禮範勉納箴規以儉
德為必崇以逸欲為必戒兄弟之子猶子益篤人倫
父母之心為心永保天命造次克念夙夜無違右議
政李

景奭
製

顯宗大王封王世孫教命文 仁祖己丑

嗚呼予以否德嗣守祖宗遺緒遭時多艱慄慄危懼
夙夜靡寧永惟自古帝王莫不豫建儲嗣以正國本
以屬人望斯乃為宗廟社稷計也又有元孫稟惟聰

明德合繼照加以位躋立為世嫡其為計尤大且遠
矣此豈惟人心之歸仰實可見天意之眷佑惟爾元
孫御天資挺特夙成圭璋可知曆數有在茲命爾為
王世孫爾其勿以幼冲自少遠希古昔帝王之盛學
以精一為務遜志帥教無時豫怠以託蒙養之聖功
以基我東方億萬年無疆之休左恭贊 趙翼製

顯宗大王封王世子教命文 孝宗辛卯

予惟三代久長之術率由宗儲之得賢列聖積累之
基尤重國本之繫望矧位躋之已定宜冊命之亟宣
式遵彝章庸備物采咨爾世子御天挺岐嶷日就溫

文一人元良咸稱社稷之福先王奇愛早正世適之
名故予踐阼之初昇以主鬯之重勝衣視膳益播仁
孝之譽服禮誦詩不煩師傅之訓人心允屬神器有
歸顧此綉儀之陳蓋待殷制之畢三加成德聿迓壽
考之祺貳極承華可叶暉潤之贊茲命爾為王世子
爾其光膺寶典祗服訓辭思洪業之艱難以恭儉飭
已念大事之付托以敬畏存心親賢納規無或昵於
佞悖悖德典學最宜戒於怠荒夙夜罔愆造次必謹
尚克體於予意期永保於天休知製教金 益熙製 未

顯宗大王封王世子教命文 顯宗丁未

元良以正載記微早喻之文宗廟攸尊漢史傳豫建
 之議此三代長治之道亦列聖共由之謨聿遵彝章
 載揚冊命咨爾元子御姿表秀異氣質清明愛敬自
 篤於宮闈藹乎天稟英睿寔著於孩抱儼然日將勝
 衣拜趨能習禮節置官輔養已通孝經矣但撫背之
 予私實係延頸之民望粵自前歲群情久切於立儲
 迨茲令辰縟典宜舉於主鬯一本無自粵至鬯二十
 二字有猶未羸於六歲
始擬封典之少稽顧難達於羣
 情乃許有司之固請二十六字爰正貳極之位以托
 萬世之基茲命爾為王世子爾其在今冲年立其大
 志道義為主自絕非僻之萌學問無他先明性理之

蘊既離阿保之手惟務親賢不失赤子之心益勉成
 德習與智長仁以孝彰方策俱存帥行文王世子聖
 域可至必曰大舜何人體父母期望之誠夙夜無怠
一本夙夜無怠
 四字在之業下念祖宗艱大之業終始罔愆大司馬
 趙復陽

景宗大王封王世子教命文 肅宗庚午

羲易著蒙養之功方軫翼子漢史徵豫建之議肆舉
 冊儲言出敷心喜深撫頂念予鴻祚之忝御久欠燕
 祺之吉祥升八鼎盛之年未為人父三百傳授之業
 恐墜吾身後事孤危入宮勸提孩之樂國本抗捏率

土佇延頸之望何幸上天之垂休果致前星之有慶
 咨爾元子謙體貌甚偉性質不允明珠掌中儼若天
 人之表率衣膝下藹然父子之情令聞已著於懸弧
 德器允叶於主鬯元子之誦初定固是重本之圖副
 君之位久虛寧稽正名之典大臣齊籲蓋倣周家之
 舊儀幼年行封亦有明朝之遺軌故當免懷之歲爰
 陞繼體之尊茲命爾為王世子爾其毋失赤子之心
 漸離阿保之手設春坊之僚屬宜為親賢膺夏啓之
 謳歌庶懋成德瞻繼照於明兩付托何憂勤問寢於
 日三長成是待提耳既切於今日服膺益勉於他時

弘文提學
柳命天製

英宗大王封王世弟教命文

景宗辛丑

自古帝王豫建儲貳所以正國本係民志禮曰一人
 元良萬邦以貞嗚呼其義大矣予以否德不獲天之
 錫祚胤自在先朝已貽我聖考之憂及嗣大位嫫嫫
 在疚永惟宗廟社稷之重主器無人藐焉一身夙夜
 靡寧迺今大計之定其曷敢少緩咨爾世弟諱先王
 之子在予為弟親矣聰明仁孝早負令譽行孝于宮
 闈德著于遐邇賢矣惟賢惟親惟汝其諧曆數之歸
 捨爾其誰肆予上承慈教俯循群情亦稽我祖宗彝

文苑補遺

卷十三 教命文

二十一

典命爾為王世弟以屬則天顯以位則冢嗣或世或
 及古今通義名正言順天與人從我先王亦豈不曰
 予有後乎爾其體予因心之友思予付托之意篤愛
 敬以盡人倫勤學問以養德性尊賢遠佞去奢崇儉
 以正大存心以謙恭飭己是皆在爾予豈多誥於戲
 由介藩承大統孝廟之功業巍矣以精一詔後人烈
 祖之謨訓炳然若我先王盛德至善沒世不忘亦從
 家法傳授中出來敬之哉式克欽承對揚祖宗之光
 命以永天之祿以基萬世無疆之休

行副司直
宋相琦製

真宗大王封王世子教命文

英宗乙巳

予以否德承祖宗丕丕基夙夜祗慄唯不克保守是
 懼誕惟自昔帝王莫不豫建儲嗣所以重宗統繫民
 望也矧今時事艱虞國勢孤危重離之位其可暫曠
 咨爾世子諱性質聰睿器度弘深年猶未薨言動識
 慮儼若巨人式膺歷紐之祥允叶主鬯之尊廷議僉
 同天命已屬肆命爾為王世子爾毋以幼穉自小必
 以遠大自期惟賢是親惟學是懋孜孜緝熙日就月
 將事上必孝持己必敬敦尚節儉痛戒逸欲始於養
 蒙終於作聖則文王世子之記奚獨專美于古於戲
 命哲命吉罔不在厥初尚忱念茲欽服訓辭克紹我

家精一之傳永基億萬年無疆之休

副提學舍
在魯製

莊獻世子冊封教命文

英宗丙辰

於皇上帝降監我邦謂祖宗積累之仁宜延其後謂
神人顯望之久宜答其誠乃眷涼德乃錫祚胤邦運
始否而終泰宗統幾墜而復續已於誕彌之初即定
元子之誦一國之謳歌有歸萬世之付托有在茲實
吾東方莫大之慶也越明年元朝大小臣僚咸造于
庭一辭而請曰惟我元子生而岐嶷儼然德容甫及
懸弧之節而玉質夙成不煩遇物之誨而睿智漸廣
此天所以眷佑邦家篤生聖嗣宜遵豫建之謨早進

震儲之位以答天休以徠民望予惟宗社是重亟循

群議爰卜吉日庸宣顯冊命爾元子

諱

為王世子文

鎖之銅樓重開無疆之寶籙益繇惟其哲命之在初
可無燕謨之貽後於戲粵我聖祖聖考以精一相傳
茲惟我家法今予傳授于爾母曰冲幼式克欽承弱
不好美正以養蒙勿以崇高而長其傲勿以華靡而
流於蕩棄童志以養德性親正士以資學問知萬化
必原於一心知治平必本於修齊克敬克明終始一
德用光我先烈毋替我期望爾其勗哉

右議政宋
寅朔製

懿昭世孫冊封教命文

英宗辛未

慶祿滋至方深置膝之歡位踰早加益重繼體之義
 肆舉彝典以係群情惟爾元孫諱雖在冲年實有丕
 德克肩舜目儼器度之天成禹陰湯盤底温文之日
 就豈惟含美之為樂竊幸曆服之無疆茲命冊爾為
 王世孫爾宜蒙養以端壯行益力惟緝熙可以進德
 惟孝悌可以通神屏玩好而防逸遊親保傅而遠便
 佞授爾心法之正祝爾福履之綏乃付畀者隆故期
 望之切於戲朱文公小學之教予所受用於一生殷
 太師皇極之書予所圖治於升載茲庸申告其克欽

承左議政趙顯命製

當宁封王世孫教命文 英宗己卯

重國本所以啓萬年之運建世嫡所以承一統之圖
 庸係群情爰降丕責惟爾元孫諱貳極元子三宗冢
 孫器宇凝天表之祥允叶神人之望講肆藹時敏之
 譽不煩師傅之功撫頂寔慰於暮齡繼體可繇於洪
 祚待冲質稍長之日幾切屈指之心逮小學始教之
 年肆軫定名之義茲命冊爾為王世孫爾宜克篤蒙
 養祗膺責章惟孝悌為懋行之源惟誠敬為修身之
 本屏玩好而耳目無役外物尊經傳而左右恒近正
 人聖工期臻於齊治并高自下良知必保於克擴培

根達支貽以燕翼之謨祝以龜疇之福於戲三百年

基業至大乎常懷乎淵冰累千言訓編孔昭爾庶勗

其堂構行判中樞 李天輔製

文孝世子冊封教命文 當午甲辰

震索為萬國以貞之本豫建乃三代久安之方予踐

作六年初見祚胤之慶爾寢寐三歲已具大人之儀

將賁顯冊之加先淑寵命之錫惟爾元子睿 諱 承 皇 天

錫衍之眷應列祖發祥之期覃訏岐嶷之姿固鐘毓

之卓異仁孝溫文之德自提抱而夙知丕彌既定於

元良綉儀宜備於儲貳衆尺日長仰殿宮嘉悅之情

器度天成叶臣民忭祝之悃雖心切惜福欲盛禮之

稍遲然義大正名奈群請之愈懇茲命冊爾為王世

子億萬年聖繼神承之統付托無憂十六字堯傳舜

授之謨諭教必早思爾負荷之重體予期望之深正

以養蒙習以成性勿以冲幼而事嬉戲勿以崇高而

啓怠教惟好德為洪範五福之根基惟正心為大學

八條之要頌命哲命吉罔不在初希聖希天有為若

是須知丕子之職有宗廟社稷之責有寢膳溫清之

儀要使一日之間接賢士大夫時多接宦官宮妾時

少於戲新樂復聞於暉潤曷勝予忻曠典並舉於掄

揚亦賴爾慶勉膺嘉訓永迓洪休

左議政李福源製

教命文四

世子嬪冊封

昭惠王后封王世子嬪教命文

世祖乙亥

世子國本宜有賢配以共承宗廟之重咨爾韓氏元勳茂族禮義名家蚤配冢嗣柔順溫惠茲屬春宮之建庸正爾位踰為王世子嬪其光膺寵命益懋徽猷敬哉

仁宣王后封王世子嬪教命文

仁祖乙酉

擇儲惟賢聿遵累朝之彛則錫命乃匹爰正貳極之壹儀茲當固本之辰誕頒從貴之典咨爾張氏芳猷

夙茂令譽昭升貞靜其性婉孌其姿威儀揀揀忠臣之孫相國之女門戶堂堂肆作儂於宗藩益著美於宮掖逮質秦於萬里家室是隨飽艱楚於九年兄弟始返何上穹之降戾奄前星之晦晶顧惟時事之孔艱况復予病之漸劇少陽虛位奈此髫髻之孫長君承祧豈非社稷之福既上嗣之斯定宜內輔之益崇禮數自別於曩時責望杲切於今日茲命爾為王世子嬪於戲舜德天大允賴媯納之觀刑周命日新實由任姒之贊化爾其體陰陽之交濟究內外之相成敦孝敬而奉兩宮之懽飭恭儉而饗五福之盛祗服

明訓勿替徽音玉璽珠軒克對三善之德葛覃膠木

紵繼二南之休行副護軍 金光煜製

明聖王后封王世子嬪教命文 孝宗辛卯

豫樹宗儲所以固一國之本擇建賢配所以啓百福
之源父母之情庸有其極宗社之計莫過於斯念予
元嗣之良堪荷付托之重少陽正位已係域中之心
大昏造端須資壺內之輔如非窈窕之美曷膺寤寐
之求咨爾金氏積德名門含章令質幽閒貞靜得天
賦之自然婉婉和柔受庭訓之有素穆卜而龜筮協
吉詢謀而卿士僉同惟予一人攸嘉宜合二姓之好

茲遣使某官某持節備禮冊爾為王世子嬪爾其祇
服寵命忱念訓辭遵禮法而飭躬守恭儉而為則鷄
鳴相戒贊孝敬於三朝麟趾衍休繇本支於百世於
戲予有佳兒佳婦復何憂於燕謨爾其宜室宜家庶
共享於鴻運 大提學 錫胤製

仁敬王后封王世子嬪教命文 顯宗辛亥

自昔有國家必豫樹冢儲以固國本亦惟博求淵哲
定祥建配以啓續女之業人倫攸始王化攸基茲惟
艱哉肆予承寧王休命奉若謨訓考慎令典以祈協
于神民粵予元嗣聰明岐嶷夙膺主鬯之重名躋係

于百姓宜采嘉耦以儷厥美以觀厥刑咨爾金氏德
性稟乎天和柔則著於冲年自乃祖世種德教成于
家澤流于後昆寔毓碩媿以膺我寤寐求爰茲歷選
惟簡在予心乃相言容宮闈胥慶乃稽于卜龜筮協
從乃詢于外朝卿士僉同徽章所加禮實宜之茲遣
使某官某持節備禮冊爾為王世子嬪予聞陽德非
陰功莫宣男教非婦順不章稱是象服罔不在爾衆
我宗事輔我元良在孝敬在和順爾忱念茲母以侈
滅義母以逸敗禮惟勤惟儉終始惟一罔俾悅天之
妹專美有周於戲思齊思美播無窮之間惟爾賢本

支百世俾我邦家無斁惟爾休敬哉以夜母忝予訓

辭

吏曹判書
金壽恒製

端懿王后封王世子嬪教命文

肅宗丙子

重离正位所以固邦基六禮造端所以敦化本斯為
宗社之計奚止父母之情念惟元嗣之良夙繫兆民
之望而主器之重既屬於冢儲顧正家之方必資於
賢配苟非窈窕之美曷膺寤寐之求咨爾沈氏以端
莊之姿服詩禮之訓塗莘泚德得天賦而自然馬鄧
名門持家法之有素迺歷選乎群姓遂特簡於予心
詢謀而卿士僉同穆卜而龜筮協吉宜揚顯冊以定

嘉祥茲遣使其官某持節備禮冊爾為王世子嬪爾其欽我訓辭稱是象服惟謙恭以自牧惟儆戒以相成毋以逸忘勤毋以侈踰度夙夜匪懈協婉容於三朝本支咸休衍洪祚於百世於戲佳兒佳婦之承宗事予復何憂思齊思媚之嗣徽音其永母替

大司成李奮製

宣懿王后封王世子嬪教命文

肅宗戊戌

予惟國家之本唯在冢儲其克相協左右以肇基王化亦唯在賢配典冊所載厥義可稽肆予丕庸致慎于茲粵我元嗣聰明仁孝迺代予理迺懋厥政大器是承負荷尤重內治之助其曷可一日有曠予乃歷

選名閹思得謝哲以配我元嗣以共相我宗事咨爾魚氏自爾先迺有聞人弈世載德儲祥毓祉爰有頌媛以應我寤寐之求婉嫕柔順德容具備予用特簡在心迺稽于龜筮迺詢于卿士咸云其吉罔或有違茲遣使其官某持節備禮冊爾為王世子嬪爾其宜爾象服謹爾婦職敬以事上惠以御衆勤以持志儉以飭身毋作逸豫驕侈以害于義悖于禮惟艱厥位乃罔不休於戲陰陽和而萬化成內外正而百度貞爾式克欽承輔我元良贊我壹政罔俾思齊思媚專美有周惟予爾嘉爾亦將有無窮之福尚忱念茲母

忝予訓辭 大提學宋相琦集

貞聖王后封王世弟嬪教命文 景宗辛丑

高極正位慶實洽於神人詰媿承休德已孚於閨梱
茲當樹儲之日詎緩從貴之儀載稽藝章式舉顯冊
咨爾徐氏篤生茂閼雅著芳猷朱郎麗輝早膺寧考
之睿簡彤管襲媿不煩師氏之懿歲而仁聞之翼宣
亦純禧之駢集高穹眷命喜主器之有歸綉典揚徽
宜內輔之同責良辰既卜物采肆陳茲遣使某官某
持節備禮冊爾為王世弟嬪禮秩於是為隆宗祧以
之益鞏斯豈特予志之丕應抑可見先靈之協扶於

戲惟孝敬所以媚尊克懋祗飭惟勤儉所以率下切
戒竒衰內外交修允賴陰功之贊家邦胥泰佇啓風
化之基勉遵訓諭之辭永繇庀洪之業 禮曹判書李宜顯製

孝純王后封王世子嬪教命文 英宗丁未

少陽正位邦基之所繇隆大昏造端王化之所繇始
惟德之選於禮則然言念寡躬蚤建儲嗣雖主器之
責寔在元良願整壹之方必資淑哲如非令質曷稱
好逑咨爾趙氏弈世揚徽名門毓祉遵婉婉之姆教
閨範既莊襲忠貞之祖風女則克備芳猷實合於賢
媿特簡宜出於予心詢于卿士則允從謀及卜筮而

亦吉宜爾家室奚止父母之私情承我宗祫佇着神
 人之胥悅茲遣使某官某持節備禮冊爾為王世子
 嬪龜章耀彩循故實之昭文鶴禁凝祥崇物采而衍
 福於戲唯儉約可以飭已唯和敬可以事親母以逸
 豫而忘勤毋以侈泰而踰度贊輔貳極兢兢然若履
 薄而臨淵定省三朝洞洞乎如奉盈而執玉將期第
 祿之永保庶致本支之彌昌祗服訓辭益加警惕

左祭

贊姜
觀製

惠慶宮封王世子嬪教命文

英宗甲子

儲嗣為一國之本匹配乃百福之原斯重大豈必慎

厥簡蓋古今之通義寔風化之攸基念元良之克岐
 幸宗祧之有托位尊貳極早係域中之心禮成三加
 正急相內之佐謂乾道必資坤化况區治亦本家齊
 乃求碩媛歷選名閼咨爾洪氏傳家福慶稟質幽閒
 祥和既著於容儀果當親鑑折旋自中於規度不煩
 姆提矧彌月之同庚宜覩天之媿美卿士咸可龜筮
 率從茲遣使其官某持節備禮冊爾為王世子嬪爾
 其祗服寵命益懋徽範篤孝敬而承三殿持慈惠而
 和六宮知奢侈為凶德而能儉于身謂宴安是鴆毒
 而必勤於事治資內助鞏基業於萬年福自天申繇

本支於百世尚永念於訓戒庶不懈於始終於戲予
今付托得人可卜無疆之鴻運爾乃夙夜輔德母替

貽厥之燕謨

左議政宋寅明製

中宮殿封王世孫嬪教命文

英宗七年

萬世繼體之圖已托於冢嫡三古擇配之義爰稽於
彝章第祿斯基風化所自念文孫德性之夙就伊匪
域願望之日深導正養蒙謨則遠於貽厥筮賓齒胄
責已備於成人蓋邦教必本於正家故予心益急於
選耦迺眷名德之族孰膺窈窕之求咨爾金氏恭慎
存心貞靜成性襲賢相種德之後閨範克彰鍾聖后

毓慶之餘天意可見衆美之具特簡所符卜協而卿
士率從祥定而宮闈胥賀茲遣使某官某持節備禮
冊爾為王世孫嬪爾其寵命是服婦道益虔龍樓展
歡祇承長秋之陰教鶴禁致敬式遵貳壺之芳猷幸
我有子而有孫以娛晚境勗爾宜家而宜室永鞏丕
基秉柔則而儆戒相成體訓辭而謙約自度是知則
百之運寔自今休豈料望七之齡親當斯慶矧瘡疹
次第造復乃宗廟陟降所臨於戲吉揀可徵於嗣徽
至情愈切於錫福思齊思媚播令聞於珩璫克儉克
勤昭懿德於錦練

勤昭懿德於錦練

領中樞鄭暉良製

教命文五

儲闈冠禮

顯宗大王冠禮教命文

孝宗辛卯

教王世子諱吉日元服率由舊章命左議政金瑄就
宮展禮予惟長子主器者所以係民心聖王重冠者
所以為國本茲當嘉事宜有命辭咨爾世子諱性稟
聰明生知忠孝維列聖啓佑之慶繫寧考訓迪斯勤
粵自勝衣已定元孫之誦肆予嗣服爰正副君之名
有待殷禮之期殆及周文之歲人道乃成實深父母
之喜王教攸始勉棄童幼之思皇矣庇躬之章美哉
莊首之制其慎爾容貌辭令以弗怠則錫之壽考福

祿而無疆於戲惟親賢敬身可以進德惟法祖典學
庶免作狂匪亶出予慈愛之至情抑亦舉國臣庶之

願望

大司成
黃床製

肅宗大王冠禮教命文

顯宗庚戌

教王世子諱吉日元服率由舊章命左議政許積就
宮展禮予惟禮為國之本冠為禮之始象天冠之制
也成人冠之義也冠而後人道備人道備而後禮義
立是故古者聖王重冠矧伊君嗣主器承祧萬姓攸
望加以元服其禮可不重歟咨爾世子諱資性純至
氣質清明粵自孩提儼若長成居無動傳動必循矩

甫及勝衣爰正儲位講誦日進溫文日章從而謁廟
齊莊自將出而就學禮容無違年齒雖幼德器已彰
茲具爾冠用備爾服禮爾字俞以成嘉事予喜既深
爾責彌大此為成人其可不勗夫人有百行莫先孝
悌至德要道聖訓孔昭因爾所已能者而力行之篤
愛敬於君親盡和樂於同氣推及率土人紀可立堯
舜之道惟是而已然必學以明之乃能行以踐之學
之道要在窮理而盡性主敬而存誠心法相傳方冊
具在爾其懋哉終始是典傳曰大人者不失赤子之
心易曰大人者與天地合其德與日月合其明大人

之合天地日月者以其有赤子之心也爾今冲年蒙
養以正天理渾全外誘不雜由此根基固守擴充知
行交致習性俱成則其所造詣何可量也於戲巍冠
而莊首備服而庇躬非為其華將責其實也行其禮
而不能行其道與童幼異別焉惟爾念我服此訓辭
欽此禮儀一本正其衣冠尊其瞻視敬禮賢德沉潛
聖學夙夜寅畏罔或豫怠承天之慶永永無疆大提
復陽
學趙

景宗大王冠禮教命文

肅宗乙亥

教王世子躡吉日元服率由舊章命頌議政南九萬

文苑叢書卷十三
就宮展禮予惟冠者禮之始將以責夫成人之道也
考諸經訓厥義為大矧當主器之位行備服之禮可
不重歟咨爾世子諱氣稟純粹體合聰明自在孩提
岐嶷夙成乃建儲副早繫民望溫文之德日章仁孝
之聲遠播見于太廟齒于國庠端肅雍容動中規度
以父母日夜期望之心念祖宗基緒付託之重其為
喜慶何可勝哉茲具三加之儀用庇爾躬體爾字爾
以成嘉事惟我寧考厥有遺訓予今推演告爾爾尚
敬聽之哉惟精惟一操心之法惟孝惟悌為仁之本
孜孜終始日新又新則堯舜之聖亦可企及莊敬少

弛則逸欲易生玩好乍近則志業漸退習貫性成才
陰可惜棄爾幼志亶在今日爾其勉哉爾其戒哉於
戲錫之袞冕匪以為華既有儀章當副其實欽此訓
辭克循典禮一心寅畏罔或有怠迓承天休永永無

疆大提學朴
泰尚製

真宗大王冠禮教命文 英宗丁未

教王世子諱吉日元服繼由舊章命其官就宮展禮
予惟古者聖王重冠冠而后服備服備而后體正三
加彌尊加有成也已冠而字成人道也成人之者責
成人禮也衆庶尚然况在君嗣主鬯承祧其禮可不

重歟咨爾世子謙資性宏遠氣宇莊重孩提之年德
器已成爰正儲位夙係民望謁廟齒學動中乎禮則
發言處事恒出於意表左右承奉仁孝愈著朝夕講
誦溫文日就肆予嘉悅無極期望彌至爰舉嘉事載
加元服載申載咸醴焉字焉責爾成人其自今始爾
尚夙夜祗慎無違予訓夫成人之道孝悌忠順禮所
云四行是已爾常愛予敬予思盡爾心擴克此心孝
與忠不可勝用爾常愛爾同氣擴克此心悌不可勝
用爾常敬老恭長擴克此心順不可勝用堯舜之道
成已成物惟此而已然非學問何以明此道而行之

不疑惟精與一即我家傳授心法大學書格物致知
即精之之事誠意正心即一之之事其根基則專在
於小學書主敬又可以補小學之闕爾尚勉之哉猶
私慾則敗度玩細娛則喪志放辟邪侈皆由此出持
爾心攝爾行敬慎爾威儀食息不忘日新又新則聖
人之極功因可冀矣爾尚戒之哉正士與直言雖若
難合親之則必益已而裨國佞人與諛辭雖若可悅
親之則必害已而亡國爾尚深念之哉嗚呼黻冕匪
華將以責其實苟不能然即與童幼何別爾尚惕然
戒慎罔或豫怠棄幼志順成德孜孜於成人之道承

天之慶其永無疆

李光佐製
官領議故

莊獻世子冠禮教命文

英宗癸亥

予惟粵昔聖王爰筮于賓所以敬冠而重禮尊之以
三加責之以四行於是焉人道成而為國之本立也
本立道成而冠事重焉自三代稱以達禮矧伊君之
冢嗣承祧主鬯惟容是正惟服是備禮始于冠可不
重與咨爾世子諱資性沉重氣宇宏巍衣尺若干儼
成德器早正禹震之位彌著仁孝之間毋煩保傅自
合規度朝晝講誦日月就將既謁于廟亦齒于庠端
拱周旋隸隸其儀惟父母期望之至暨祖宗付托之

重惟爾元良一人予心嘉悅曷其有極令月吉辰冠
爾于阼加以元服祝以景福終之以萬壽醴爾字爾
嘉事乃成予喜既深爾責彌大敬聽于訓夙夜無違
惟孝惟悌堯舜之道曰誠曰敬孔曾之學惟我烈祖
文考是法是師聖謨洋洋啓迪我後人念在茲爾其
懋哉夫正君臣親父子和長幼是所謂禮義立而顏
色辭令寔為三者之基載齊載順惟德攸符為人治
人豈在於斯若爾存心則其惟仁乎天之生物藹然
仁化聰明而非仁則或失于察也剛毅而非仁則或
過于嚴也惟天下至聖寬裕溫柔足以有容也臨事

御衆爾由斯道苟或莊敬之心弛焉玩娛之物近焉
逸生而業荒爾惟戒我戒我於戲弁冕黼黻匪為其
華將責其實克慎爾儀克敬爾德一心寅畏罔或豫
怠迓承天慶永永無疆

藝文提學
元景夏製

當宁冠禮教命文

英宗辛巳

予惟禮始于冠冠而責成人禮凡厥彝倫職此以修
服備禮備匹庶尚然矧伊國家繼體承統其禮可不
重歟咨爾世孫諱英睿邁倫資性純粹衣尺若干令
聞遠播早定位躡鞏我基命德器丕彰民皆屬望日
勤講誦知行咸進見于宮廟端肅自將齒于太學周
旋中度肆予心悅豫靡極爾年漸長嘉事其亟茲乃
三加冠服庸范爾躬體爾字爾祝之戒之欽承休命
人道始成爾小子奈何弗勗人為百行孝悌為本親
親長長禮義迺立祗服聖訓惟時修厥躬予以推廣
為堯為舜慮其在茲慎乃儀毋弛于逸檢乃心毋縱
乎慾克敬克誠學惟日孜孜若升高必自下若行遠
必自邇今茲冠爾勉終于始不惟重禮其永為國之
本嗚呼錫之冕黻非欲華汝圖惟懋實稱厥服昭厥
義爾雖小尚有丕責念我家艱大之業監先王精一
之訓夙夜寅畏罔敢或怠親賢敬身懋昭大德承天

文苑叢書卷之十三
之慶永永無疆 金陽澤製
官大提學

文苑叢書卷之十三

文苑叢書卷之十四目錄

竹冊文一 備闡冊封

太宗大王封王世子竹冊文

世宗大王封王世子竹冊文

文宗大王封王世子竹冊文

端宗大王封王世子竹冊文

德宗大王封王世子竹冊文

睿宗大王封王世子竹冊文

燕山封世子竹冊文

仁宗大王封王世子竹冊文

文苑叢書卷之十四目錄

孝宗大王封王世子竹冊文

顯宗大王封王世孫竹冊文

顯宗大王封王世子竹冊文

肅宗大王封王世子竹冊文

景宗大王封王世子竹冊文

英宗大王封王世弟竹冊文

真宗大王封王世子竹冊文

真宗大王追加承統世子躡竹冊文

莊獻世子封王世子竹冊文

莊獻世子上謚封園竹冊文

莊獻世子追上尊躡竹冊文 二

懿昭世孫封王世孫竹冊文

當寧封王世孫竹冊文

文孝世子封王世子竹冊文

竹冊文 二 嬪官冊封

元敬王后封王世子嬪竹冊文

昭憲王后封王世子嬪竹冊文

顯德王后封王世子嬪竹冊文

昭惠王后封王世子嬪竹冊文

章順王后封王世子嬪竹冊文

仁聖王后封王世子嬪竹冊文

仁宣王后封王世子嬪竹冊文

明聖王后封王世子嬪竹冊文

仁敬王后封王世子嬪竹冊文

端懿王后封王世子嬪竹冊文

宣懿王后封王世子嬪竹冊文

貞聖王后封王世弟嬪竹冊文

孝純王后封王世子嬪竹冊文

孝純王后追加承統世子嬪誦竹冊文

惠慶宮封王世子嬪竹冊文

惠慶宮上尊號竹冊文

惠慶宮加上尊號竹冊文 二

中宮殿封王世孫嬪竹冊文

竹冊文三 謚號

昭顯世子謚誦竹冊文

懿懷嬪復任謚誦竹冊文

懿昭世孫謚誦竹冊文

文孝世子謚誦竹冊文

儲慶宮上謚封園竹冊文

儲慶宮加上謚誦竹冊文

文苑補遺 卷之十四
毓祥宮上謚封園竹冊文
毓祥宮加上謚誦竹冊文 二
延祐宮上謚封園竹冊文

文苑補遺卷之十四

竹冊文一

備闡冊封

太宗大王封王世子竹冊文

定宗庚辰

始有國家實賴維城之固合行典禮庸立主器之賢
載稽舊章率由是道咨爾諱性資仁孝氣稟溫文咸
稱一有之良夙著三善之德當命爾以修冊將代予
而承祧顧惟溺愛而執迷乃致扇變而交搆爾出謀
畫之奇以除禍亂之本考爾功德可以撫監是用命
爾為王世子授以寶冊爾其式敬乃心克服師訓無
負臣民之望永固宗社之基

直提學
李詹製

世宗大王封王世子竹冊文 太宗戊戌

建儲貳係人心實為大典擇元良端國本惟在至公
爰正名位之隆式舉封崇之禮咨爾忠寧大君諱寬
弘莊重孝悌謙恭愛敬事親居常翼翼聰明好學惟
日孜孜付托是宜臣民屬望是用冊爾為王世子嗚
呼天祚明德神享克誠主鬯承祧尚念負荷之艱大
臨深履薄永膺福祿之綏將

文宗大王封王世子竹冊文 世宗辛丑

建儲副以定國本斯謂通規正名分以繫人心實惟
公法若稽古昔爰舉彝章咨爾諱岐嶷夙成溫文日

就仁明之質神器有歸世嫡之尊輿情攸屬肆涓辰
而見廟令主鬯而承祧庸建爾為王世子嗚呼惟天
無親惟德是輔以賢以長載膺監撫之權克儉克寬
庶祈邦家之慶 尹淮製

端宗大王封王世子竹冊文 文宗庚午

義存繼體既膺丕緒之傳事重承祧宜正元良之跡
爰稽古典庸舉彝章咨爾元子諱德備溫文姿凝岐
嶷愛親敬長仁孝稟於天成重傅尊師學問彰於日
就乃荷昭考之眷以定元孫之名宗統攸歸輿情所
屬是用冊爾為王世子於戲茲服寵命益懷永圖惟

文苑補遺卷十四
懋德是祇惟正人是近尚念祖宗休烈以贊邦家永
猷可不慎歟

彭年製 村

德宗大王封王世子竹冊文 世祖乙亥

王者受命必建儲嗣所以重宗廟社稷也咨爾元子
御諱地居冢嫡宗統攸歸是用冊爾為王世子噫爾其
服茲寵命思主器之不易惟正人是近惟敬德是懋
豈不為宗社之慶也

睿宗大王封王世子竹冊文 世祖丁丑

予受丕基夙夜祗畏永惟天地宗社寔建國本今冊
爾御為王世子爾尚親賢遠佞尊師樂學成爾元德

以副輿望

燕山封世子竹冊文 成宗癸卯

建儲以繫輿情斯為大本主器莫若長子實乃丕彝
爰稽往規式加寶冊咨爾惟慶膺蒼震祥協黃離岐
嶷天成夙著仁孝之性聰明日就將隆學問之功宜
毓德於少陽示繼體於鴻業肆建爾為王世子於戲
茲服寵命益懷永圖遠奸親賢務遵師傅之嘉訓臨
深履薄適追祖宗之烈光不其躋歟

仁宗大王封王世子竹冊文 中宗庚辰

立嫡以順天經是亘古之大分定名以繫民志乃有

國之通規肆稽舊章式舉寶典咨爾元子諱溫文居
質冲裕鍾懷孝自因心夙盡愛敬之實學不資誨行
隆就將之功宜正位於青宮亦行慶於洪業是用冊
爾為王世子於戲祗服厥命永念惟艱為善孜孜罔
或怠于一日秉心翼翼庶無忝於先王

孝宗大王封王世子冊文 仁祖乙酉

宗儲正位是帝王垂統之宏規付託得賢乃聖哲基
命之至計茲丁濟屯之會尤切固本之猷載稽彝章
式揚顯冊咨爾鳳林大君諱天資明睿器宇淵弘孝
友之誠自篤生稟學問之志不煩師承早標的於价

藩彌增重於磐石執謙奉法仁間潛孚歷險履艱英
譽遠播屬予寢疾之久遭此繼體之喪願監撫之尊
不容暫曠念宗社之寄須懷永圖宜膺壓紐之符克
嗣承祧之慶肆予志之丕應實群情之允諧茲命爾
為王世子於戲難諶者天不易惟位五常百行不外
道心之存二帝三王惟極人倫之至非勤學無以明
此理非親賢無以慎厥修日就月將期毋替保傅之
訓星輝海潤庶不孤神人之望 大提學 李植製
顯宗大王封王世子冊文 仁祖己丑
君子抱孫禮經所載大統正嫡宗法所先此義通於

古今介福閔於家國粵予涼德以承緒恒懼天命之
靡常幸賴列聖之垂庥乃有元良之錫羨咨爾元孫
鞠神氣外朗胚胎前光教讓之年已盈成德之期何
遠傾耳拭目可見百姓之心定踊命名宜副群工之
請是用命爾為王世孫爾其幼志是屏玩好是防敬
恭父母之傍說釋忠正之訓鷄鳴衣服學問寢於龍
樓蠹簡縱橫傲親師於鶴禁孝悌而已習慣自然於
戲豐水歌詩貽厥之謀由祖亦爵呈瑞興周之慶在
昌誕敷彝章備書簡冊大提學趙網製
顯宗大王封王世子竹冊文 孝宗辛卯

樹嫡封儲蓋為國家之本正名定位以繫億兆之心
茲率彝章誕揚徽典咨爾世子御仁孝為性岐嶷之
姿左右前後之人雖云輔養以正緝熙光明之學不
待咨誨之勤肆令聞之夙彰喜德器之已就顧先王
天篤撫愛繫寡躬日望長成設院講書式闡曠代之
盛事臨軒錫命爰加世孫之顯封注意既隆於當時
予豈憂乎付托近頸舉切於今日爾允協於元良一
星之躔將終繞行魯宮之冠禮三年之制甫畢斯舉
漢庭之冊儀茲冊爾為王世子於戲厥位匪安維命
不易念祖宗艱大之業懋帝王宏遠之圖燕閒之居

罔或放心而荒怠鷄鳴而起必思飭躬以溫恭惟資
善莫如親賢惟制事在於主義取法乎上益勉往牒
聖哲之嘉謨允執厥中毋替我家傳授之遺訓

知製教李

一相

肅宗大王封王世子竹冊文

顯宗丁未

立儲樹嫡所以承宗祧定位正名所以繫民望茲誠
歷代之攸重豈以冲年而或稽庸率舊章式揚徽典
咨爾元子諱生知孝敬資挺聰明動止周旋之間自
然中節端凝岐嶷之表儼若成人學業已臻於離經
德器無待於就傅周家喻教必先蒙養之方漢廷備

儀寧緩豫建之計既仁聞之夙播宜冊誦之早膺肆
循群情爰正貳極茲命爾為王世子於戲棄爾幼志
欽予訓辭仁義禮智之常寔本天性堯舜禹湯之道
不外人倫惟誠身莫如親賢惟明理莫如講學毋或
玩好是事毋或耽樂是後日就月將念典終始夙興
夜寐戒存荒怠敬守道心庶無忝於我祖自貽哲命
罔不在於厥初

大提學金壽恒製

肅宗大王封王世子竹冊文

肅宗庚午

貳尊主器徵漢史早建之文三歲封儲遵明朝已行
之典茲誠宗社之大計寧以冲幼而少稽咨爾元子

御如圭如璋克岐克嶷虹流電繞異瑞協神聖之符
日角珠庭奇表現天人之相周成未離於襁褓商邦
普貞於元良念寡昧三十之年始識提抱之樂惟祖
宗繼承之緒今幸付托有人粵在懸弧之初已繫億
兆之望逮至扶床之日咸願位號之膺詢謀僉同綽
儀斯舉茲冊爾為王世子爾其弱不好弄長而親賢
居然氣質之天成殆天授也從此學問之日就予日
望之前後左右皆正人進德必資輔翼罔石和勻在
王府貽謨自有典常無或逸豫之是耽罔以近習而
相昵慎終惟始戒懼宜切於淵水遺大投艱基業莫

墜於堂構大人繼明兩之照四海終歸於仁文王勤
日三之朝百行必源於孝顧諟明命欽哉訓辭閱黠
製官

大提英宗大王封王世弟竹冊文 景宗辛丑

入承宗統寔上帝佑命之休豫建元良乃歷代固本
之策茲率舊典式舉彝章咨爾世弟諱性質聰明器
度宏遠日將月就師誨無煩虎步龍行符祥自著屬
寡德躬受鴻業而盛年慶畜螽斯永念時艱寧緩監
撫之任矐顧天顯果得付托之賢追聖考眷愛之勤
咸曰吾君之子奉文母丁寧之教俾陟冢嗣之尊以

第紹兄法先祖之微憲循序定誦遵往牒之成規既
神器之有歸肆輿情之胥悅楚國之舉在少夫豈人
謀周邦之命維新此殆天授茲命爾為王世弟克敬
爾位懋懷丕圖治齊本乎修身孝悌是堯舜之道學
問所以明理方冊載文武之猷務時敏而當惜寸陰
察雅言而必親正士禮予訓戒罔或一念怠荒保我
子孫庶致萬世鞏固

工曹判書
李觀命製

英宗乙巳

真宗大王封王世子竹冊文
王者受命必立宗儲民之歸心寔在祚胤茲正元良
之誦聿備熙綏之儀咨爾世子

御

諱性稟英明姿挺岐

嶷孝友天至粵自孩提而然溫文夙成不煩保傅之
力肆仁聞之遠播亦奇愛之最鍾屬爾衣尺之若干
際此國步之多難知今我初服正見祈嚮之群情成
乃考圖功敢忘投遺之盛意願主鬯之重不容暫虛
而承祧之尊允賴早定名誦有繫往牒之微規是微
付托得賢列聖之繇業益鞏議發而卿士從協禮舉
而典冊彌隆茲命爾為王世子於戲惟天難諶惟位
不易敬是裨身之本罔或宴安儉為修德之基務自
簡飭勉納明師嘉誨之益毋替我家道心之傳日升
月恒期永闡流祉之遠星輝海潤庶不孤延頸之望

藝文提學
李宜顯製

真宗大王追加承統世子踊竹冊文 英宗丙申

式重宗緒追舉崇終之儀載陳彝章宜備加踊之禮
予志丕應群情允諧惟爾孝章世子諱天啓睿姿日
宣令間彩禽叶夢溫文夙著於冲齡金龜呈祥謳謠
咸歸於丕嗣敬謹之容蓋本於孝悌每承三朝之歡
聰明之性亦資於緝熙彌彰四重之譽夫何上天之
降戾居然前星之歛輝玄臺永扁莫間龍樓之問寢
青宮再闢更見鶴禁之備儀幸此祖孫之相依俾禽
宗社之永托丕承皇統喜一人之元良肇正宗儲圖

百世之鞏固屬茲冢嗣之代聽宜乃懿踊之追增表
主鬯之尊是萬年垂統之計示繼體之重軫二字節
惠之休爰遵丕彝庸錫崇賁承我宗子之位必也正
名統是列祖攸傳特庸揚美議發而廷臣允協禮舉
而顯冊彌隆茲以加踊曰承統於戲庶冀精靈尚欽
寵命至情未暇虛飾何能闡懿而賁幽嘉典不容溢
辭只為正統而紀實 大提學李
徽之製

莊獻世子封王世子竹冊文 英宗丙辰

豫建宗儲寔固邦之先務晉加名踊乃基命之丕圖
爰率典章用先付托咨爾元子諱予何幸而晚舉天

又鍾以異姿在提抱而知思先開儼若不言而喻即
視瞻而器度已著屹然成德之符顧厥初岐嶷淵凝
之非常則其長聰明仁孝之可必三宗似續隱十年
中夜之憂八域謳歌聳一朝重禹之慶雖元子名定
國本有歸然貳君位虛輿情久鬱既晬而嘉心倍切
以時則蚤冊允宜故僉謀之亟諧亦予志之允叶茲
命爾為王世子爾其膺受多福勉修幼儀順乃赤子
之心進于大人之學視聽言動勿染近習卑俗之規
禮樂詩書必遵賓師導迪之正夙宵勤勵率誠敬而
加工日月就將極高明而齊聖克紹祖宗精一之法

母孤父母期望之隆

大提學
尹淳製

莊獻世子上謚封園竹冊文

當守丙申

秩祀以廣祇敬是有國之常經顯美以答劬勞乃亘
古之徵則誠禮兩盡感喜交深伏惟凝重之儀淵懿
為性綦綬翼翼允矣肅宗之有神孫瑜珮瑋琦猗歟
英考之冊元子高明遂攝於庶政溫文采著於重暉
開賓對而詢廊廟之謨聲教克廣代宸聽而理國家
之事獄訟悉歸垂十四年臨玄端視朝之位佇千萬
世基朱芾受命之祥念茲眇躬之受同實由春邸之
繼祉丹宸贊九章之服榮榮啣哀青蓋相七旒之光

威威增茂欽遵繼體之明命既盡尊宗之誠緬思撫
首之至恩詎無報本之道爰稽儀節聿建宮園侑以
雅樂三成仲呂姑洗之并奏設於清廟一等大武柔
毛之具陳茲將闡徽之忱誕舉進冊之禮莊然後副
德克就如覲粹容獻也者智質有理庶合懿行謹遣
臣某官某奉竹冊加上謚誦曰莊獻伏惟冀回明鑑
俯格徽哀金篆昭休并星辰而齊耀竹冊揚烈與天
壤而久存

右恭贊黃
景源製

莊獻世子追上尊誦竹冊文

當字癸卯

顯誦欽奉玉冊式循彝章恭惟思悼莊獻世子邸下
德性淵洪先儀凝重貳極之講說不輟英廟喜其溫
文中壺之定省愈勤和陵篤於慈愛肆高明遂攝於
庶政而解澤普洽於四方代放勛而廣燮和之治遐
通丕變承大禹而修祗敬之道獄訟咸歸睿學既躋
於緝熙徽猷可傳於悠久惟一德之純粹克饗神天
之心伊百世之本支詎無誦月之慶所以上帝之保
佑乃有元子之誕生蓋由聽政十四年仁聲洋溢於
八表斯其啓佑千萬歲景星輝映於太微實覃實訥
已祚胤之肇錫有馮有翼庶第祿之永康聿稽節文

爰成冊寶經以懿德之美既觀岐嶷之應祥敦茲毓
慶之休咸仰昭明之錫類謹奉竹冊上尊誦曰經德
敦慶伏惟冀回哲鑑勉膺嘉名金泥章禧並居諸而
齊耀竹牒昭慶與神祇而長存

大提學黃景源製

當守甲辰

莊獻世子追上尊誦竹冊文
禮成封儲衍寶錄於宗國義隆報本颺顯冊於闕宮
敢曰揄揚粗伸感慕恭惟德稟乾元之劉大位居
明之正中日表尊嚴有嶽峙海涵之象睿學淵邃貫
天經地緯之文周寢三朝純誠著愛敬之節滕廬五
月令聞叶易成之儀於戲十四載代聽猗與千萬世

垂裕大舜之謳歌獄訟澤已久於臣民王季之明類
長君慶則篤於孫子眇予受命榮然終天履尊榮而
永懷劬勞拚盛美而若為描畫節壹惠於繼序之日
祇循彝章賁四字於錫羨之初曷表微悃千乘之養
莫遠風樹乃昔人之悲二紀之痛靡伸豈即有司
之事宮園在望懼誠禮之或愆歲月如流愴儀形之
寢邈屬新慶建茲儲誦而至願闡我先休鞏泰山不
拔之基繫誰之賜報昊天罔極之德其在乎斯歡顏
仰瞻於慈宮誠益切於追遠緝儀既隆於聖祖義敢
緩於尊親詢于庭而僉同稽之禮而允協仁為四德

之首其體則弘祉是百祿之源維大曰景謹奉竹冊
追上尊誦曰弘仁景祉伏惟俯垂昭假誕膺徽稱名
益崇而禮益殷庶情文之無憾爾如聞而儻如見尚
陟降之不遐

左議政李福源製

懿昭世孫封王世孫竹冊文

英宗辛未

震邸毓長男之祥聿迓稀慶泰統定世孫之誦爰舉
彝章輿情胥欣國勢彌固咨爾元孫睿降茲異表在
厥初生叶聖母企望之情晚景是慰符寧考誕彌之
節哲命斯徵襁褓未離外庭間岐嶷之譽福祿攸萃
上穹鍾仁厚之姿恤嗣昔年問何晚於主鬯抱孫今

日喜猶早於含飴此實祖宗陰隲之休亦惟國朝罕
觀之慶積德所暨瓜瓞綿百世之支重統有歸磐石
鞏萬年之業念爾生之冲眇不須位誦之早加顧予
齡之衰遲政合典禮之亟舉茲乃稟承於慈旨仍以
詢決於僉謀茲命爾為王世孫爾其副兩宮期膺百
神佑在幼而仁孝天得宜保赤子之心及長而德學
日新可勉大人之道為父為祖精一之家法相傳有
子有孫蕃昌之邦運方屆幾何成長隨問寢於龍樓
遐不賢明贊迓祚於鳳曆而遠圖遵豫建之法斯顯
謨先蒙養之方師傳僚屬之必親溫文自學語始阿

保近習之母狎凝嚴從在抱初儘有孩提之良知詎

無訓戒之明諭判中樞趙觀彬製

當宁封王世孫竹冊文英宗己卯

鞏基之道莫先於貽厥謨建統之規實出於稽舊典
嘉悅之至寵章乃頒咨爾世孫聰睿接乎群倫孝
友根於天性尺衣就傳記誦講解之靡差前席陪尊
周旋應對之有度自其初資質之允美洎乎長負荷
之必能翼重輪而增輝儼英表而實類常知克昌厥
後咸謂當興我家位履長元早既之踰而崇嫡德漸
將就今宜加冊而重祧僉謀允諧予意丕決茲命爾

為王世孫爾其誕膺遐福懋闡宏謨處宴閒而先收
放心接物事而必先制義詩書禮樂須資沃於賢僚
言動視聽毋好狎於近習蓋蒙養當慎厥始而豫建
惟懷遠圖貌思恭色思溫矣但威儀之必整濟以弘
立以毅亶合德器之益修勉小學於治齊之功寔受
用於前日擴大猷於精一之訓庶欽體於列朝金陽澤製

宰戶曹

文孝世子封王世子竹冊文當宁甲辰

篤生元良荷宗祫錫羨之慶早正儲位遵國家鞏本
之圖爰稽舊章庸舉顯冊咨爾元子睿諱聰睿日就岐

文苑補遺 卷十四 竹冊文

三才齋
卷一
十一
歲天成冲齡之德器異凡既挺美質尺衣之周旋有
度不煩訓辭嘉樹呈生花之祥可占皇天之降佑彌
月叶流虹之節尤驗聖祖之垂庥肆致仁聞之夙彰
允宜封號之遙舉統緒之托斯在亮予衷之庸嘉臣
隣之顙屢勤亦輿情之可見早喻思法於周代政須
蒙養之方微規式循於皇朝詎緩豫建之禮茲命爾
為王世子爾其誕膺遐福懋闡丕猷置師傅賓僚之
官俾導養之咸正肄詩書禮樂之教佇就將之漸新
惟修身莫如親賢惟明理莫如講學孝悌為德行之
首實資孩提之良知誠正作治平之基宜勉精一之

聖訓夙興夜寐勿替誥誡之言海潤星輝庶副神人
之望

大提學吳
載純製

竹冊文二 壇宮冊封

元敬王后封王世子嬪竹冊文 定宗庚辰

重配匹所以厚人倫崇位彌所以正名分茲遵盛典
庸建徽稱咨爾閔氏生於世家配于君子夙著柔嘉
之則常存靜一之心無非無儀在中饋而貞吉必儆
戒彈內助以肅雍既敦風化之源宜奉宗祧之祀
是用冊命為王世子貞嬪於戲每進鷄鳴之戒德音
莫違永膺麟趾之祥福祿是荷惟予以悅其乃之休

昭憲王后封王世子嬪竹冊文 太宗戊戌

順公議而建元良儲副即定重區配以承宗社位躋

宜崇爰舉徽稱冊尊 冊尊二字疑用 遵二字之誤 彛典咨爾沈氏

貞嘉稟性端正飭躬常存敬畏之心夙著勤儉之德

克敦婦道允孚家人穀朝于差緝禮斯備今遣使某

官某冊爾為敬嬪肅雍內助誠 疑識字 恒切於鷄鳴

詎勉相成祥益膺於麟趾

顯德王后封王世子嬪竹冊文 世宗丁巳

儲副為一國之本既建元良配匹乃百福之原當求

淑女稽諸歷代率有成規咨爾權氏生長名門選居

良媛必敬必戒早承家訓之嚴無非無儀益隆閨範

之懿宜儻重麗之位庶資內助之賢爰舉彛章特頒

冊命遂陞爾為王世子嬪於戲鷄鳴進戒繼風化於

二南麟趾凝祥衍宗支於百世

昭惠王后封王世子嬪竹冊文 世祖乙亥

建儲副所以固邦本正配匹所以重人倫也咨爾韓

氏生從勳闕早歸我家今冊封東宮宜正爾位躋爰

命為王世子嬪爾其祇服寵命益懋徽範夙夜無違

永綏福履敬哉

章順王后封王世子嬪竹冊文 世祖庚辰

予惟嗣守丕基念繼序其皇夙夜不忘既建儲貳俾
承宗祧宜得賢配用資內助咨爾韓氏生于茂族柔
嘉貞淑可相主鬯今遣使其官某授爾冊寶為王世
子嬪爾其警戒相成罔愆壹則益隆我景祚於戲萬
化百福之源繫爾一身可不敬歎

仁聖王后封王世子嬪竹冊文 仁宗甲申

立元良而正號國本斯端命淑哲而主中家人亦位
茲稽舊典式舉盛儀惟爾朴氏毓粹名宗儲敬淑德
含章有順允叶窈窕之詩率禮不愆何煩婉婉之教
驗茲刑于之化的在嘉止之初今遣使其官某冊命

爾為世子嬪於戲儆戒無違庶遵女史之訓柔嘉維
則永流彤管之芳

仁宣王后封王世子嬪竹冊文 仁祖乙酉

嗣子國家之本望實係於神人儲妃風化之源教先
成於閨闈緬惟遐冊遐冊二字可疑之垂範咸用茲典而永
圖咨爾張氏弈世名門寔予佳婦芳猷懿德藹然日
彰淑行柔規稟於天性曾貳體之潛邸居中饋而宜
家嘉聲達於紫庭令譽襲於彤管早協坤貞之吉長
發其祥果契高明之尊則篤其慶豈徒人倫之正始
抑亦宗社之延休載蠲良辰俾膺顯冊今遣使其官

其持節備禮授以寶章疏榮綺綬爛瑞輝於椒塗備
服瑜環溢佳氣於桂苑於戲惟恭儉可以守其位惟
戒謹可以保其名昭嗣徽音無違女圖之茂矩欽服
寵命益勵內理之初心匪始其艱有終乃濟

藝文提
學金著

國製

明聖王后封王世子嬪竹冊文

孝宗 辛卯

元嗣既建義必先於正家賢匹攸資禮宜舉乎嘉典
肆風化實係內則蓋人倫莫重大昏特簡於衷用媿
厥美咨爾金氏篤生名族穆有令猷姆教不煩久播
聲譽于外婦道咸備動循法度之間三善可儷於少

陽六禮允成於良月既發祥於天合爰協吉於坤貞
洪祚彌昌克諧宗社之計群情胥悅奚獨父母之心
茲揭丕彝式揚徽冊茲遣使其官其持節備禮冊爾
為王世子嬪於戲匪難伊始飭恭儉而永圖益勉于
終敦孝敬而罔怠祇修輔佐之德毋替訓戒之辭

弘文

提學
吳峻製

仁敬王后封王世子嬪竹冊文

顯宗 辛亥

少陽正貳極之位國本斯隆大昏為百福之源人倫
攸始維德是擇於禮則然疇其左右乎元良允矣幽
閒之嘉耦咨爾金氏貞莊懿範禮法名門忠孝家傳

文苑補後

卷一百一十四

竹冊文

八

所聞者嘉言善行婉婉閨則乃見於動止周旋特簡
既出於慈心僉議亦諧於予意龜筮協吉象服備儀
茲遣使某官某持節備禮冊爾為王世子嬪宜其室
家父母之志順矣察乎天地君子之道存焉順德惟
和飭躬惟儉而終始寅畏不怠則福祿申錫無疆於
戲知爾祖訓之嚴固無待於更勗顧予宗祀之重深
有冀於益虔必敬必戒無違之子之孫勿替藝文提
學姜栢

年製

端懿王后封王世子嬪竹冊文

肅宗丙子

重明繼四方之照既正宗儲大昏為萬世之基幸得

佳耦肆頒冊立之命庸示簡在之心咨爾沈氏端淑
成姿柔嘉有則名門種德共稱馬鄧之家夙歲揚徽
仍服詩禮之訓修飭不煩於姆教動止咸備於婦儀
方擇配於少陽迺叶吉於貞卜臣民胥悅奚獨父母
之情家國同休實闕宗社之慶宜膺六禮之顯美克
相貳極之元良茲遣使某官某持節備物冊爾為王
世子嬪於戲坤從惟德之恒女正乃家之利整治肇
悅勗恭儉而靡愆承事姑嫜敦孝敬而罔懈可致宮
闈之和豫益見本支之繇長維母替於策詞期永保

於第祿

吏曹判書
崔錫昂製

文苑補遺

卷十一

竹冊文

十一

宣懿王后封王世子嬪竹冊文

肅宗戊戌

儲嗣一國之本久繫民心配匹百福之原宜謹婚禮
永惟繼序之重尤急正家之方既得好逑庸頌顯冊
咨爾魚氏慶襲閨德毓閨門動止周旋肆以禮而
罔有違失溫惠澍慎得於天而不傲修為蓋令質之
夙成肆善行之咸備屬元良方朶媿美而頌媛惟簡
在予謀卿士庶人而後卜云其吉倣舟梁親迎之禮
文定厥祥允協祥情奚但父母之有喜克相貳極正
須夫婦之造端爰擇良辰式舉徽典茲遣使其官某
持節備禮冊爾為王世子嬪於戲梱範莫先於柔順

坤德莫貴於安貞惟謹慎可以飭躬惟儉約可以化
俗當萬機代釐之際陰教是資頌百世本支之繁天
祿永享益修輔佐之德毋替訓戒之辭

弘文提學
閔鎮厚製

貞聖王后封王世弟嬪竹冊文

景宗辛丑

日月重明离曜有麗中之吉風火著象家道在主饋
之貞乃眷匹美之徽音式舉從貴之職典咨爾徐氏
毓慶華陶作儷宗藩承仁孝而罔違懿行夙暢助儉
勤而為則令德彌昭屬者王室之定儲允矣上天之
立配國本有托慰寧考陟降之靈壺儀無愆驗君子
修齊之政膺嘉會而播惠聞喜爾媿休備物采而循

藝章宜爾正位茲遣使某官某持節備禮冊命為王
世弟嬪贊中闈之陰教軒宥添輝佐貳極之玄功少
海增潤於戲惟和順以秉性惟敬慎以飭躬惟慈誨
是遵夙夜匪懈惟古訓是式內外相成尚毋替於策
辭期永經於福履都承旨洪
啓迪製
孝純王后封王世子嬪竹冊文 英宗丁未
元嗣叶重离之吉萬邦以貞碩媛膺歸嬪之掄六禮
斯舉人倫之始王化攸基咨爾趙氏性善溫柔姿凝
窈窕家庭文雅允矣士流中高華閨捆令儀雍然女
則上規範嘉徽不專在於執紼儼矣資於結鞶

肆德選之三申迎好速於貳極想容辭而慈簡大定
詢卜史而僉謀亦諧宜爾室爾家天既作合有佳兒
佳婦予其無憂緝典是循穀朝已戒茲遣使某官某
持節備禮冊爾為王世子嬪軒躔潤飾亞椒掖而居
尊壺采昭陳儷銅闈而齊美爾其持儉恭而匪懈篤
孝敬而罔違佩服聲詩贊二南之風教齊明夙夜奉
兩殿之愉懽於戲爾齡雖冲爾質孔澍祗承良訓啓
宗社億有年之祥茂迓洪休佇本支百斯男之喜
參判尹
淳製
孝純王后追加承統世子嬪誦竹冊文 英宗甲申

邦家重統承之謨夙正名而紹序聖人有義起之禮
用錫誦而申休爰采從貴之文遂舉匹美之典咨俞
孝純賢嬪趙氏妙膺三簡克配重离百行攸源著深
愛於有愉有婉一德無雜昭令譽於宜室宜家天理
難誌於初年宗統果繼於頃歲今因丕子之托重永
念孝思之加隆有其實而得其名苟推正宗之懿憲
無於禮而中於動責飾節惠之顯章茲命加誦爾以
承統於戲欽予冊詞佑乃第祿鞏邦基於駿命雖舊
維新篤餘慶於螽斯愈久彌遠

行司直徐
命膺製

惠慶宮封王世子嬪竹冊文

嘉姻為基福之始理國先家貳極舉迎相之儀自天
作合式遵彝典特頒寵章咨爾世子嬪洪氏以賢都
尉孫有摯仲任德動不煩於姆教飾性無虧行若出
于天成含章有順惟齊莊貞靜之度叶乎圖書故寤
寐反側之朞形諸詠歎茲申三簡之命克配重离之
明合二姓而為親斯實人倫之本摠四德而皆備允
宜君子之逮卜云其良禮從而舉茲遣使其官其持
節備禮冊命為王世子嬪亞長秋而正位綸綍載煌
儷少陽而居尊副筭有焯爾其益勵肅雍之節懋彈
孝敬之心鳴珮彤闈贊陰教而匪懈結禱朱邱行婦

道而有聞篤成內助之功增耀重輝之頌於戲罄予
良訓祝爾純禧鳳凰鳴璿璿既盡唱隨之道螽斯羽
振振佇致本支之繁祇服明辭永膺天祿

行司直李
德壽製

惠慶宮上尊誦竹冊文

當字戊戌

駿惠啓萬世之休夙資明訓鴻誦進二字之美祇聞
令猷庶申至情實諧僉議恭惟靜澍稟質溫粹凝姿
高明配尊六宮頌思媚之德坤貞協吉三殿喜篤慶
之祥屬寡昧寶位之丕承而惠慶宮誦之崇奉綉儀
稍異於袞冕顧禮制之難齊柔則未揚於金泥嗟劬
勞之莫報殷禮已畢徽稱將進於東朝周祜賴昌令

譽合闡於是日爰稽典憲聿修情文孝為百行之源
芳徽式播於寶篆康居五福之位遐齡永祝於屋籌
謹進誦曰孝康伏惟俯循丕彝誕膺景命禮宜隆報
與鳳冊而斯煌慶衍永綏貽燕謨而以裕

兵曹判書
李徽之製

惠慶宮加上尊誦竹冊文

當字癸卯

禮必貴於報本追薦鴻名孝莫大於尊親齊颺寶冊
豈惟飾慶庶庸伸誠恭惟孝康惠嬪邸下毓祉塗山
嗣徽京室婉婉柔則琴鐘媿少陽之儀翼翼小心珩
璜叶中饋之度惟小子休恤艱大之責則慈宮劬勞
保佑之恩佩懿訓於三朝粗成七載之亨泰奉隆養

於千乘每仰一念之冲謙寶籌方躋於五旬采冀靈
長之福嘉誦雖上於二字曷稱顯揚之忱幸新慶增
鞏於宗祫迺緝儀加隆於寢廟賴皇天陟降之佑喜
錫羨之无疆推平日崇報之誠感發祥之有自揄揚
義大愴孺慕之如新顧復恩均願徽範之益闡稽彝
章而允協質典情而僉同慈居衆善之元母德為先
禧是百祥之會天休庸申謹加上尊誦曰慈禧伏惟
光膺顯稱茂迓純嘏禮并三冊六宮騰祝岡之謠慶
仍四重千齡享含飴之樂

行判中樞
李福源製

惠慶宮加上尊誦竹冊文

當于甲辰

徽音基長發之祥誕啓熙運顯冊揚重暉之慶載陳
懿稱祇薦菲誠欽遵彝典恭惟稟性端粹秉心澍莊
敬承先王于晨昏純行感皇天后土慈保小子于艱
大休德配太康摯任肆上帝篤生元良而宗國永鞏
大業貳極凝命儼然克岐克嶷之容七旒待期允矣
令聞令望之贊六宮頌含飴之樂莫非陰隲之功百
僚望主覽之休咸進豫建之議顧以惜福之至意尚
遲宣冊之彝章協皇祖踐阼之年政喜衣尺之漸長
念聖母撫頂之意亶合黻冕之造加惟儲闈之受禧
實由慈則而寡躬之報本敢不先揚稽典常而罔愆

詢輿情而允協貞也者表幹固之德仰祈壽寧宣然
後致昭明之祥益彰義聞謹奉竹冊加上尊誦曰貞
宣伏惟光膺嘉號永詒弘猷苞桑繫萬年之安聿迓
景福本支綿百世之遠玉應昌期知中樞黃景源製
中宮殿封王世孫嬪竹冊文 英宗壬午
建統王政之所當先務蚤封冢孫正家風化之所由
以興必資良耦簡在心而惠聞采著文定祥而寵章
載頒咨爾世孫嬪金氏喬木遺芬觀津毓秀忠謹篤
世推之閨範貞嘉福祿萃門驗乎德性凝厚惟茲婉
嫕之美亶合寤寐之速三善播宜室之譽人謀既協

五代趾續女之慶天意可徵肆蜀吉辰誕舉緝典茲
遣使其官某持節備禮冊命為王世孫嬪爾宜祗受
象服忱念訓辭遵規度而罔愆勗敬慎而靡懈龍樓
鶴禁藹瑜珮之承歡麟趾螽斯倚寶籙之延祚於戲
是有佳孫佳婦庶闡裕昆之謨惟其思媚思齊益勉
嗣徽之道須欽體於至意期永播於令猷金陽澤製官兵曹判書

竹冊文三 諡號

昭顯世子謚誦竹冊文 仁祖乙酉

天降大戾遽遭繼體之喪國有彝章宜備崇終之禮

勉循公議少酬至情唯翁孝友因心英明挺質詩書
訖傳早膺儲貳之尊監撫分朝普慰軍民之望豈料
魯難之滋甚而致秦質之久淹星霜九年祗續音問
尚賴中孚之感入水陸萬里備經間關終獲前曜之
返國承華再闢率土交懽將謂否泰回環大開宗社
之慶亦知拂亂增益丕恢付托之圖嗟予有何罪辜
俾爾罹此天札殆由勞瘁而成疾豈圖鍼藥之乖方
父子相逢曾未數月幽明永隔奄及一朝投血拊心
忘疾疾之在已殷憂永念若夢寐之非真爰思表德
而流光要在易名而貽後茲遣臣某官某贈爾謚曰

昭顯重哀不暇虛飾嘉典不容溢辭儀形已亡雖莫
追於泉壤行迹可紀尚有徵於簡編庶幾精靈欽此

寵命

司直李
植製

愍懷嬪復位謚號冊文

肅宗戊戌

滌九地之啣冤追復位號揭二字之節惠寔遵藝章
斷自予衷慰彼輿望惟昭顯世子嬪親膺妙選早配
元良受名父之訓辭濡染有素居家人之正位內外
相成懽愉久奉於兩宮警戒寧忘於一日間值虜氛
之凌逼奄見國步之蒼黃隨廟社於江都備經艱險
作羈質於瀋館屢易星霜逮鶴駕之言旋並象服而

無恙夫何哂笑之未久遽爾倚伏之相仍痛身世之
 未亡但有血泣怨昊穹之不吊若無憑依嗟乎邦運
 之愈屯重以宮掖之有變孽豈自作蓋緣讒間之孔
 深事有難言終致恩愛之莫保哀哉母子之並命慘
 矣兄弟之何辜孤墳久寄於松楸已失離紉私廟僅
 近於香火曷稱情文道路為之咨嗟婦孺莫不傷盡
 搆獄之兇賊肆市之微天道之好還訟寃之直臣復
 官可見聖祖之微意覽文貞之微蹟世德可占瞻永
 敬之遺祠感懷彌切全家之枉盡洗儼覺之位重光
 儀章一新追視震邸之例物采咸備若在京室之初

邦禮自此得宜神理亦應無憾祇告太廟詎嫌先朝
 之未遑移奉別宮幸睹曠典之克舉謹遣臣云云於
 戲除丹書之舊籍庶慰孤魂托彤管之新詞永垂遐

撰大提學宋相琦製

懿昭世孫謚誦竹冊文 英宗壬申

至情無殤撫斑衣而齋慟尊名有謚揭寶冊而揚徽
揭字以御筆改以宣字 藝典式循遺蹟斯著惟爾世孫自予抱
 爾謂天祚邦祥光亘星辰之墟適值肇降異姿挺日
 月之表矧在嫡傳惟岐嶷溫文之容自有帝王家貴
 象若仁厚慈孝之性莫非孩提年良知逮夫小郎之

定名倍多哀境之慰意氣質儼成德器繞二三齡聰
 明能辨隸書餘六十字長置寢殿之側曠省輒悽常
 侍膳床之傍臨餐必勸至於殿巧美而喜樸厚允矣
 稟儉約而基淳厯至愛抱嬰惟幸列祖之有佑丕責
 在嗣庶卜宗祧之無憂胡彼天降甚酷之灾胡彼天降甚酷
 之灾以御筆改以伊吾孫羅早闕之禍伊吾孫羅早闕之禍
 夫何東國之遭屯始謂例症之偶劇治則自瘳治則自瘳
 華改以乃令致闕我孫而致困誰意異質之遽摧奪之何速推奪之何速
 以自底歸安既使生而又使天厥理難徵徵字以御筆改以諶字
 天而亦在醫此恨靡極醫字以御筆改以入字虛期在初之哲

命

虛字以御筆改以徒字

永孤貽後之翼謨三殿抱違膝之哀

曷慰暮景八域缺拭目之望從見輿情想形而悅覲

朗眸殞留虛閣虛字以御筆改以古字述蹟而益投哀涕事載

實編苟非節惠而垂名則何賁幽而播遠懿是德性

之內蘊既澍且純昭乃法容之外彰惟恭與美博採

公議少酬予恫茲遣臣某官某奉冊贈謚曰懿昭襍

祿罹灾縱未延於長塗罹灾以御筆改以遜辭簡策揚德庶可

徵於寸毫揚德二字以御筆改以昭揭只冀不昧之

靈尚欽非溢之論知中樞趙

文孝世子謚誦竹冊文當宁丙午

文苑叢書 卷十四 竹冊文 二十一

昊天不吊奪我元良靈辰有期錫爾嘉謚寔循彝典
 少慰至情惟爾世子其生也祥所托者重仁孝溫文
 之德自夫始步能言碩厚凝遠之姿必然大受遐到
 符聖祖之誕月靈長之景福已占用明德之古規愛
 戴之輿情夙係晚舉故兩宮之喜深切早建者三代
 之禮式遵受寶冊於周甲昌辰瑞暉叶星海之頌講
 孝經於重陽舊節英音聳寶僚之聽見予輒欣蓋愛
 敬之天賦於物無好獨簡編之日親朝野延頸之誠
 咸曰泰山磐石日夕撫頂之祝惟有松栢岡陵何意
 无妄之疴遽纏不測之痛疹憂端復既消吉於呼萬

醫技竟殫奄傳哀於匝域愴往事於渚灘僅加二齡
 泣諱辰於寢園又屬此月密通玄隧之新卜慘愴青
 邱之舊儀斑衣在瞻想音容之髣髴甲觀如夢稟宗
 國之孤危蒙養燕謨嗟萬事其已矣節惠象德惟二
 字為庶幾濟剛柔而成章文以質美自孩提而知愛
 孝為行源爰命使臣奉冊贈謚曰文孝於戲名既不
 浮靈庶有格默思大運之否泰天理難諶追述芳年
 之始終予懷曷忍昭岳簡冊永留不朽之光幽贊神
 明迓續無疆之曆嗚呼哀哉

判中樞李福源製

英宗乙亥

儲慶宮上謚封園竹冊文

衍景社於萬世緬懷懿規修曠典於百年聿陳顯冊
 敢云彰美祇為伸誠伏惟飭行端貞稟性溫粹夙齡
 膺名家之選叶異夢於長秋哲範播六宮之譽贊柔
 化於樛木處福綏而若懼益迓休吉之來履艱危而
 終亨寔著和順之積惟毓慶誕裕邦國故錫羨乃昌
 本支聖子承麻載垂燕翼之烈神孫御極果符龍飛
 之祥基業靈長寶資啓佑之遺澤年代夙邈詎忘泐
 嘉之餘徽顧典禮亶合於致隆而表章猶闕於考德
 香火替奉於私第曷勝永慕之懷儀文未遑於列朝
 宜有追報之道昨歲修章陵之舊邸夫豈偶然前春

拜豐壤之故岡尤有感者宮園揭踰接近例於顯親
 祠廟增輝慰神理於移享是謂若待今日庶幾無憾
 此心謹上謚號曰敬惠伏惟冀鑑微衷俯賜昭格紀
 蹟彤管垂芳猷於簡編流慶瑤圖降真騰於宗祏

寧李天
輔製

儲慶宮加上謚號竹冊文

英宗丙申

垂景祉而裕昆緬懷懿範薦顯踰而揚美式揭藝章
 譽播萬年慶衍百世恭惟姿凝塞淵性稟柔嘉膺選
 入宮吉祥叶長秋之夢安分咏昂芳猷贊厚坤之功
 臨福享而兢兢實由小心之恭儉履危艱而安安益

著飭躬之澍貞惟毓慶基積累之休故錫羨致本支
之盛周祜承篤聖子荷燕翼之謨邠祀肇興神孫膺
龍飛之位果驗啓運宮異兆其亦積善之有源仰體
興慶園盛儀庶乎報本之無憾雖別廟已經崇奉而
顯冊未盡光揚邦國永安尚賴靈庥之澤世代寢遠
彌切永慕之誠方舉顯親之休稱詎緩追遠之巨典
闡懿德於彤管允叶儀文頌餘慶於金泥要慰孝思
謹加上謚號曰裕德冀回靈監俯格微忱赫赫高臨
流取光而申錫遐福洋洋如在垂陰隲而子惠後人

大提學李
徽之製

毓祥宮上謚封園竹冊文 英宗癸酉

抑情遵英恭之志久闕顯稱考德追節惠之章聿揚
嘉誦誠禮兩至悲喜交并伏惟凝姿幽閒稟性仁順
婉婉令德上下咸服柔嘉翼翼小心造次不弛警懼
眷遇最荷於宸極戒存乙丙之憂勤恟悞潛孚於壺
闈誠著已戊之休戚念茲眇躬之承統寔藉善慶之
啓基萬世絲無疆之休餘蔭依暨卅載撫少康之業
遺訓是資想淵冰戰兢之規靡安天位泣蓼莪劬勞
之什恒疚予衷雖追報莫大於顯尊而微範尚體於
謙挹先朝之爵誦孔美敢曰有歎於情暮境之感緒

轉深曷懈無窮之思肆將易名之禮庸修報本之儀
錫誥之歲重回緬懷往事彰德之典克舉若待今辰
顧二字允叶於情文惟一念少寓其愴慕謹上謚號
曰和敬伏惟尚垂靈鑑俯諒微忱銀印金泥昭休光
於悠久竹苞松茂昇景福於本支

左議政李
天輔製

毓祥宮加上謚號竹冊文

英宗丙子

追勛勞而思報載正尊稱表懿美而加隆荐奉顯號
情文兩盡愴喜交深伏惟姿稟幽閒德著淵靜躬修
柔則履恭慎於始終動循禮儀存儆戒於夙夜嘉稱
已肇於錫爵猗歟至性之攸享美事尚傳於進簪藹
然徽音之允契矧念眇躬之續緒宜由積善之發祥
惟其淵冰一心默垂陰功之啓佑所以本支百世聿
占洪祚之靈長遺訓是遵敢言無忝於興寐芳猷寢
遠常懼未效於光揚雖邇來典禮之粗修顧此心崇
報之猶歉封園之制既定祗不洎之增悲節惠之章
纒行豈能盡於狀美屬茲邦慶之荐至迺有慈旨之
屢勤式至于今日惟休莫非樹德之致欲報之昊天
罔極詎無歸美之方肆因廷議之咸諧敢效顯冊之
加進揭二字而考德于以揚徽導一世而厚倫今焉
無憾儀章克備即文母之所貽名號允宜亦周禮之

是證只幸孺慕之少寓曷云相懿之式彰謹加上謚
誦曰徽德尚冀明靈俯垂昭假金泥寶篆流耿光於
永年苞竹綿瓜昇純嘏於萬代

弘文提學
鄭軍良製

毓祥宮加上謚誦竹冊文

英宗丙申

衍景籙於垂裕永懷顧復之恩加顯冊於颺徽載舉
隆賁之典情文允叶愴喜交深恭惟姿凝幽閒德宇
仁順溫溫柔則垂禮儀於始終翼翼小心存敬慎於
夙夜協令譽於紀管猗歟聖化之仰成著懿範於進
簪允矣德音之相契念茲眇躬之受祐寔著積德之
垂休踰八旬而戒存淵冰遺訓敢忘歷五紀而業奠

磐石餘慶是資億萬年鞏基之謨罔非啓佑以正九
五福保極之效豈由長發其祥屬邦慶方新於撫熙
而孺慕愈切於歸美式至休於今日允矣錫羨之功
欲報德於昊天詎緩致隆之道銀章屢上縱云揄揚
再三玉度猶昭猶未形容萬一律將闡美之志誕奉
進誦之儀昭燕謨於啓休在今無憾表鴻烈於衍祉
于前有光揭二字而申報本之誠垂百代而賁厚倫
之化謹加上謚誦曰綏福尚冀靈監俯格徽衷寶篆
金泥流耿光於宇宙縣瓜苞竹昇純嘏於本支

藝文
提學

鄭存
謙製

延祐宮上謚封園竹冊文 當守戊戌

國家重報本之規緬懷哲範宮園舉致隆之禮載揚
顯稱爰述舊章永綏後祿伏惟稟性溫惠飭行端貞
率禮無違夙承眷於代邸錫祐有秩久匹美於堯門
猗叶吉於燕禘聿延期於鳳曆逮茲寡昧之紹統蓋
仰善慶之肇基聖考膺祚胤之休式迓景命小子任
承祧之托永溯芳猷啓佑之遺澤無疆感深於繼
序篤生之餘庥是藉禮莫大於尊親肆眇躬嗣臨以
來伊曩章次第而舉先大王祥期奄闕痛結終天延
福殿謚冊追加哀此孤露若有待於今日倍切追報

之誠已受教於昔年宜思奉揚之道茲將節惠之典
庸修晉躡之儀儲慶毓祥自有我家之制繼志述事
彌增先君之思敢曰克盡揄揚庶幾少伸情禮謹上
謚躡曰溫僖冀垂冥鑑俯察微忱銀印斯煌俾垂光
於悠久瑤圖有赫佇衍慶於本支

開城留守
俞彥鶴製

